



بِسْمِ اللَّهِ الرَّحْمَنِ الرَّحِيمِ



الحمد لله رب العالمين والصلاة والسلام علي النبي الكريم وبعد..

سلسلة (متفرقات لقضايا متعلقة بالزواج) وهي سلسلة شيقة ومهمة توضح حقيقة الشرع في بدع ومحرمات يظنها البعض من العرف، وقد تكون كذلك لو لم تتصادم مع الشرع، ولما كان العرف السائد في مسألة الزواج وقائمة المنقولات وخلافه مخالفاً للشرع بل اقرب للنصب وتعسير أمر الزواج، وتنفير الشباب منه ..

فكان للشيخ أحمد الأهواني باع طويل في محاربة هذه العادات السيئة والوسائل المخالفة للكتاب والسنة والأمر بتيسير الزواج، وهو في هذه السلسلة يبين بأسلوبه السهل الممتنع الصواب والحق ..

قرأ بقلبك وعقلك وساهم في نشرها لتعم الفائدة والبال علي الخير كفاعله، ونسأل الله القبول والإخلاص إنه ولي ذلك والقادر عليه

مع تحيات

موسوعة اعراف دينك للعلوم الشرعية



#خدمة الزوجة في بيت زوجها

(يومية حوارية لمسألة شرعية)

عجيب هذا الذي سمعته من حديث الشاب مصطفى الذي تزوج منذ شهرين.. فوجئت به يحكي معي هذا الحوار ✨
مصطفى: السلام عليكم ورحمة الله وبركاته.. إزيك يا شيخ أحمد
أحمد: وعليكم السلام ورحمة الله وبركاته.. الله يسلمك يادرس... خير! ياترى إيه الموضوع اللي كنت عاوزني فيه ومش قادر تتحمل لما أبقي



فاضي؟

مصطفى: موضوع عجيب جدًا يامولانا.. زوجتي الصبح بسألها عن هدومي اللي هروح بيها الشغل قالتلي: (هو إنت مغسلتش هدومك إمبراح بعد ما جيت من الشغل؟)... ولما قتلها (مش فاهم)... لقيتها بتحكي معايا في حوار غريب جدًا يا شيخ... دي بتقوللي أصلاً أنا مش فرض عليا أخدمك... كل واحد مننا يخدم نفسه.. الحقيقة مش قادر أفهم حاجة.. وقلت أجيلك قبل ما أرجع من شغلي اللي رحته بهدوم اليوم اللي قبله... مش عارف دلوقتي لما أرجع البيت هاكل إيه؟ 🍽️

أحمد: طيب وزوجتك جابت الكلام دا منين يامصطفى؟

مصطفى: مش قادر أفهم يا شيخ بصراحة... بس فيه كام واحدة كدا عالنت هي بتقرأ لهم باستمرار.. بيسموهم (صانعي الحياة السعيدة).. مش عارف هتيجي منين السعادة باللي بيحصل ده... قوللي يا شيخ.. هي زوجتي ممكن تكون بتتكلم صح فعلاً وأنا اللي مش فاهم الشرع؟

أحمد: لا طبعاً يامصطفى.. زوجتك مش فاهمة يعني إيه زواج أساساً

ثبت عن النبي ﷺ أنه كان يقول لزوجته عائشة: (يا عائشة أطعينا.. يا عائشة هلمّي المديدة، واشحذيهما بحجر).. وكان هذا حاله في بيته

بل كانت فاطمة رضي الله عنها تشتكي للنبي ﷺ ما تلاقيه من خدمتها لعلّي.. فلم يقل لها النبي ﷺ: (لا خدمة عليك).. بل قضى وهو الذي لا ينطق عن الهوى بالخدمة خارج البيت على علي وبدخله على فاطمة... بل ولم يُجبها لطلبها في إحضار الخادم! مصطفى: طيب يا شيخ.. يمكن دا كله خاص بالنبي ﷺ... أقصد يعني زوجاته وابنته... لكن غير كدا لأ

أحمد: بالعكس يا مصطفى.... النبي ﷺ لما رأى أسماء والعلف على رأسها والزبير معه لم يقل له: (لا خدمة على أسماء، وأن هذا ظلم لها) بل أقره على استخدامها، وأقر سائر أصحابه على استخدام أزواجهم مع علمه بأن منهن الكارهة والراضية، وهذا أمر متواتر مصطفى: طيب يا شيخنا معلش يعني.. ليه مفيش نص شرعي واهاهه كدا يقول إن الموضوع ده واجب وفرض على الزوجات؟

أحمد: سؤال مهم جداً يا مصطفى... شوف ☹️ كون الشريعة لم تنص نصاً واضحاً على البديهيّات يرجع لكونها تخاطب العقلاء لا المهايل الذين يريدون من المرأة أن تكون أداة للجنس فحسب حال زواجها... ولما نادوا بإخراجها من بيتها فرضوا عليها خدمة أصحاب العمل وجوباً.. وخيروهن في خدمة الأزواج!

مصطفى: ههههههههه.. والله معاك حق يا مولانا دي حاجة تجنن فعلاً.. أصلاً طاعة الزوج واجبة.. طب ما هو هيأمرها تخدمه... 😞 بس فيه إشكالية كمان بيقلوها يا شيخنا أحمد: اتفضل يادرس... سامعك 🙏

مصطفى: بيقلوها إن حتى الرضاعة الست تاخذ عليها أجر.. فلوس يعني 🙏

أحمد: فعلاً يا مصطفى... لما تبقى طالق

مصطفى: طالق! مش فاهم 😞

أحمد: الزوجة يا مصطفى إذا كانت في عصمة الزوج... فلا يجوز لها أن تطلب أجره مقابل إرضاعها لأولادها.. لأن ذلك واجب عليها ، وليس لها حينئذ إلا النفقة فقط ، لقول الله تعالى : (وَالْوَالِدَاتُ يُرْضِعْنَ أَوْلَادَهُنَّ حَوْلَيْنِ كَامِلَيْنِ لِمَنْ أَرَادَ أَنْ يُنِمَّ الرِّضَاعَةَ وَعَلَى الْمَوْلُودِ لَهُ رِزْقُهُنَّ وَكِسْوَتُهُنَّ بِالْمَعْرُوفِ)

مصطفى: يا ولاد التبييت... دا أنا كنت فاهمهم بيتكلموا بالشرع!

أحمد:الشرع يامصطفى هو اللي هتلاقي فيه (بِسْمِ اللَّهِ الرَّحْمَنِ الرَّحِيمِ

بيخاطب المكلفين من العقلاء مش المخابيل

مصطفى: طب والي بيقول خدمة الزوج مش واجبة يا شيخ؟!

مريضة ومتعالجهاش يامصطفى؟

مصطفى: أستغفر الله العظيم يا شيخ.. دأ أنا أصرف عليها آخر جنيه في جيبى

المضمون (مودة ورحمة)

مصطفیٰ: بس کثیر من العلمانیین دلوقتی بیتکلموا فی الموضوع دا یا مولانا.. تفتکر لیہ؟

ده لأختك أو للي تحت ولايتك؟

مصطفیٰ: لا طبعًا یامولانا

أحمد: تماااام يا مصطفى... عاوز تفهم حاجة تاني؟


مصطفى: لا يا شيخ... جزاك الله خيرًا..ربنا يصلح أحوالنا جميعًا



#الولد_للفراش 🤔

لَغت كبير يدور هذه الأيام بين فريق يقول (الولد يُنسب للفراش) فوجدناهم ينسبون ولد الزنا من الزوجة الزانية لفراش الزوج فيلتحق نَسبه بزوجها... وفريق ينفي هذا الكلام من الأصل

👉 وحتى نشرح ونوضح هذه القضية الهامة كان لنا هذا الحوار مع الشاب مصطفى 👉
-السلام عليكم ورحمة الله وبركاته..إزيك ياشيخ أحمد..فينك كدا من زمان؟
=وعليكم السلام ورحمة الله وبركاته..الله يسلمك يادرش..عامل إيه؟..أنا موجود أهوه..



أول ما عرفت إنك عاوزني جيت لك على طول

-بص بقى ياشيخنا..إنت عارف إني بحبك..بس مش علشان بنحب بعض نوافق على حاجات في ديننا مش مضبوطة

=مش مضبوطة إزاي يا مصطفى؟مش فاهم !

-الموضوع ببساطة ياشيخ إن جارنا (دسوقي) كان مسافر الكويت وسايب زوجته في مصر..ولما رجع في الأجازة لقي زوجته حامل وكانت مخبيه عليه ووضعت بالفعل..دسوقي بقى يقول إن زوجته زنت مع (حموة) اللي كانت بتحبه زمان...دسوقي كان متأكد من العلاقة دي وحاسس بيها من زمان بس مش متخيل الوضع يوصل لكده بين زوجته وحموة...وطبعاً أول ما ولدت قال الولد دا مش ابني..دلوقتي بقى يامولانا المحكمة نسبت الولد ده لدسوقي...ولما سألهم (ياجدعان دا ابن زنا مش ابني) قالوله (الولد للفراش) 🤔

يعني إيه الولد للفراش يا شيخ مش فاهم.. يعني الوليه تلف على حل شعرها وتجب عيال
مش عياله والعيال يبقوا عياله بالعافية؟

=يامصطفى.... اللي قال كذا جاهل.. مفيش الكلام دا أصلاً
-مفيش إزاي يا شيخ؟.. دول بيقولوا دا حديث عن النبي ﷺ.. تقصد تقول إنه مثلاً حديث
ضعيف؟

=لا يامصطفى.. الحديث صحيح جداً ومتفق عليه كمان
-يبقى هتجمع بينه وبين أحاديث تانيه علشان توضح الإشكال
=ولا كذا كمان.. أصلاً الحديث دا كان حُكم في موضوع تاني خاااالص غير حوار دسوقي
مع زوجته وحموة

-لا بقى يا شيخنا... أنا كذا فعلاً محتاج أفهم 😊
=شوف يامصطفى واسمع الحكاية من الأول
زمان في الجاهلية كان سيدنا (سَعْدُ بْنُ أَبِي وَقَّاصٍ) لَهُ أَخ اسمه (عُتْبَةُ بْنُ أَبِي وَقَّاصٍ).. لما
عُتْبَةُ جِه يَمُوت (وهو غالباً مات على الكفر) قال لسعد على حكاية حصلت معاه
قال له إنه وَقَعَ وعاشَرَ جاريةً لواحد اسمه (زَمْعَةُ بْنُ قَيْسٍ).... (يعني زمعة دا كان عنده
جارية... عتبة عاشَرَ الجارية دي وولدت منه).. وعلى فكرة.. زمعة دا والد أم المؤمنين
(سَوْدَةُ بِنْتُ زَمْعَةَ) رضي الله عنها

المهم... عتبة عاوز سعد أخوه يروح ياخذ الولد اللي اتولد على فراش زَمْعَةَ من جارية زمعة
لأنه ابنه مش ابن زمعة ويربيه... (علشان دا ابن أخوه)

ولما جِه عام فتح مكة سعد على طول راح ينفذ وصية أخوه عُتْبَةَ.. ولما جِه ياخذ الولد
حصل تنازع بينه وبين (عَبْدُ بْنُ زَمْعَةَ).. طبعاً عَبْدُ بْنُ زَمْعَةَ دا يعتبر أخو الولد.. لأنه اتربى
وهو شايف إن جارية أبوه هي اللي خلقت الولد ده في بيت والده.. فطبعي جداً يفضل
عايش وفاهم إنه أخوه... المهم برضو خدو بعضهم وراحوا للنبي ﷺ علشان يحكم بينهم
طبعاً (عَبْدُ بْنُ زَمْعَةَ) بيقول (هو أخي، وابنٌ وَليدةِ أَبِي [يعني ابن الجارية بتاعة والدي]،
وَوُلِدَ على فراشه)

و(سعد بن أبي وقاص) بيقول (يا رَسُولَ اللَّهِ، ابنُ أَخِي كَانَ عَهْدَ إِلَيَّ فِيهِ [يعني أوصاني به])

-طب ياترى النبي ﷺ حكم بالولد لمين؟

=قبل ما تعرف النبي ﷺ حكم بالولد لمين لازم تفهم الجاهلية كان بيحصل فيها إيه... كانت عادة الجاهلية إلحاق النسب بالزنى لمن تحدده الزانية [يعني الست تختار والد الطفل... تشاور كدا على أي راجل وتقول دا أبوه]، وكانوا يستأجرون الإمامة للزنى [بيتاجروا في الجواري ويشغلوهم في كده]، فمن اعترفت الأم بأنه له ألحقوه به، فجاء الإسلام بإبطال ذلك وإلحاق الولد بالفراش الشرعي.. وكل ده علشان ينهي عادة اختلاط الأنساب دي أو يحد منها ويلزم كل واحد بالأطفال اللي هيتولدوا على فراشه طبعًا سعد مكش يعرف الأحكام الجديدة.. ولسه ماشي بأعراف الجاهلية ورايح ياخذ ابن أخوه اللي جه على فراش زمعة.. ولكن عبد بن زمعة وقف له

وساعتها النبي ﷺ قال الحديث ده: (الْوَلَدُ لِلْفَرَّاشِ، وَلِلْعَاهِرِ الْحَجَرُ).. [الفراش كناية عن عقد الزوجية... والحجر المقصود به الرجم أو الخيبة والخسران على العاهرة التي زنت] يعني معنى الكلام بقى إن دسوقي هيشيل الواد ابن حموة ياشيخ 😊

=لا طبعًا الموضوع مش كده... النبي ﷺ حكم بالحكم ده في قضية (تنازع نسب).. كل واحد عاوز ينسب الطفل له.. في الحالة دي الطفل يُنسب لصاحب الفراش... لكن اللي عملته مرات دسوقي دا زنا.. ودسوقي نفسه بينفيه عن نفسه.. كنا نقول ده لو دسوقي وحموة بيتخانقوا عليه... (كل واحد عاوز ياخذه له)

-ولكن ياشيخ مرات دسوقي عمرها ما هتقول إنها وقعت في الزنا.. أنا كدا فاهم صح وللا إيه؟

=مرات دسوقي لو اعترفت بالزنا يامصطفى يبقى الولد دا لا يُمكن أبدًا يُنسب لدسوقي.. بل هيفضل ابن زنا... وهياخذ أي اسم (فلان بن عبدالله) مثلاً.. وكمان لا ينسب للزاني مطلقًا.. (ابن زنا)

أما لو مرات دسوقي أنكرت الموضوع ودسوقي وافق واقتنع بكلامها... فالولد ده يُنسب لدسوقي.. (الولد للفراش) وهو مقتنع إنه ابنه

لكن بقى لو دسوقي أنكر... يبقى قدامه (اللعان)

-إيه اللعان دا ياشيخنا؟

=اللعان دا يامصطفى هو اللي ربنا ذكره في سورة النور ومعناه إذا رمى الزوج زوجته بالزنا، ولم تكن له بينة على ذلك [يعني مفيش معاه دليل]، وأنكرت الزوجة ذلك، أو ادعى الزوج أن ولد زوجته ليس منه [زي الحالة اللي إنت بتحكي لي عنها دلوقتي]، وأنكرت هي تلك الدعوى ومفيش معاه دليل براءة، فإنهما يلجآن إذ ذاك للملاعنة

قال تعالى: {وَالَّذِينَ يَرْمُونَ أَزْوَاجَهُمْ وَلَمْ يَكُن لَّهُمْ شُهَدَاءُ إِلَّا أَنْفُسُهُمْ فَشَهَدُوا أَحَدِهِمْ أَرْبَعَ شَهَدَاتٍ بِاللَّهِ إِنَّهُ لَمِنَ الصَّادِقِينَ (٦) وَالْخَمْسَةَ أَنْ لَعْنَتَ اللَّهِ عَلَيْهِ إِنْ كَانَ مِنَ الْكَاذِبِينَ (٧) وَيَدْرُؤُا عَنْهَا الْعَذَابَ أَنْ تَشْهَدَ أَرْبَعَ شَهَدَاتٍ بِاللَّهِ إِنَّهُ لَمِنَ الْكَاذِبِينَ (٨) وَالْخَمْسَةَ أَنْ غَضِبَ اللَّهُ عَلَيْهَا إِنْ كَانَ مِنَ الصَّادِقِينَ (٩)} [سُورَةُ النُّورِ: ٦-٩]

-طيب لما تحصل عملية التلاعن دي هيحصل إيه؟

=إن تم اللعان بينهما يامصطفى هتحصل بعده الفرقة بينهما على التأييد(خلاص مبقتش زوجته بعد ما تلاعنوا والقاضي يفرق بينهما)، ويدراً الحد عنهما(يعني مفيش حد هيتعمل على واحد منهما علشان هو نفى وهي نفت وأقسمت) ، وتنتفي نسبة الولد للزوج

-يعني دسوقي لو عمل كده الواد ابن حموة مش هيتكتب باسم دسوقي

=أيوا..دا ابن زنا..(لا يُنسب لدسوقي لأنه مش أبوه ولا يُنسب لحموة لأنه جه من الزنا والزنا مش نسب بعد تشريع الإسلام)

-يعني الواقعة دي نقدر كدا ياشيخ نقول إن النص فيها كان خاص بحالة النزاع وإنه لو حصل النزاع في أي وقت يبقى نرجع للنص ده؟

=بالضبط كدا يامصطفى...دا كمان النبي ﷺ لما وجد الشبه كبير بين الولد ده وبين (عُتْبَةَ) بعد ما اتحكم فيه بواقع النصوص الشرعية ل(زَمْعَةَ) قال لأم المؤمنين (سَوْدَةَ بنت زَمْعَةَ)..[احتجبي منه ياسوودة]

لأن الولد دلوقتي بعد نسبته لزَمْعَةَ بقي أخو أم المؤمنين سَوْدَةَ

-طب لما هو بقي أخو أم المؤمنين سَوْدَةَ..ليه تَحْتَجِب منه؟

=النبي ﷺ أمرها بهذا نَدْبًا واحتياطًا؛ لأنه في ظاهر الشرع أخوها؛ لأنه أُلْحِقَ بأبيها، لكن لما رأى الشبه البين بعُتْبَةَ بن أبي وقاص خشي أن يكون من مائه، فيكون أجنبيًا منها، فأمرها بالاحتجاب منه؛ احتياطًا، فما رآها هذا الولد حتى لقي الله عز وجل ومات

-آه فهمت ياشيخ...بس لسه عندي إستفسار بسيط

=اتفضل يامصطفى

-الكلام دا كان في وقت مفيهوش تحاليل ال DNA ولا ظهور البصمات

الوراثية..دلوقتي ياشيخ نقدر نعرف الأب من وسط مليون بني آدم

=شوف يامصطفى..الشرع يتساهل في إثبات النسب ويتشدد جدًا في نفيه ،والكلام ده

حتى لا يُفتح الباب أمام الاتهامات والطعن في الأنساب الذي أخبر النبي ﷺ أنه من أمر

الجاهلية...شايف مثلاً الإمام ابن قدامة رحمه الله يقول إيه: (النسب يُحتاط لإثباته ،

ويثبت بأدنى دليل ، ويلزم من ذلك التشديد في نفيه)

لو الشرع فتح الباب لكل واحد ينفي نسب الثاني من قبيلة أو يطعن فيه مش هتلاقي أي

روابط والكل هيشك في بعضه..والشريعة ما جاءت إلا بحفظ الأعراس والنهي عن الطعن

في الأنساب

-طيب برضو ياشيخ إيه اللي يمنع..ما هي دي حاجة موثوق منها

=العبرة مش إنها موثوق منها وللا لأ يامصطفى..العبرة إن الشريعة لها وسائل إثبات لا

تهتم بالوقائع فحسب...فمثلاً في الشريعة ابن الزنا لا يُنسب للزاني مُطلقاً بالرغم من

ثبوته بالبصمة الوراثية...فلا يجوز الطعن في الأنساب بالبصمة الوراثية حتى ولو أثبتت

ذلك..كما أن من ملك البيئة على ارتباطه بعشيرة معينة لا يجوز أن يُنفى نسبُه عنها تبعاً

لنتيجة البصمة الوراثية ، وهو دا معنى إن الشرع يتساهل في إثبات النسب ويتشدد في

نفيه

ولكن بقي إحنا ممكن نستخدم ال DNA في حالة معينة

-إي دا؟بعد كل دا لسه ممكن نستخدمها؟

=أيوا طبعاً يامصطفى طالما مفيش مانع يمنع..زي مثلاً حالة عدم العلم بنسب شخص

معين ، وعرفنا إن علم البصمة الوراثية له القدرة على معرفة الأنساب البعيدة ، والأصول

القبلية أو العرقية ، فلا حرج من الاستعانة بهذا العلم في هذه الأحوال ، والأخذ بنتائجه

، كما لجأ جمهور الفقهاء إلى " القيافة " وهي إثبات النسب بالشبه..(وده كان موجود

قديمًا والعلماء لم ينكروا على من عملوا به)

-طيب يا شيخنا...ليه محدش اتكلم عن الموضوع ده بالتحديد؟
=بالعكس يامصطفى..صدرت قرارات من مجامع فقهية تؤكد على أن الطرق الشرعية لإثبات النسب أو نفيه هي المقدمة على اعتبار البصمة الوراثية ، وأن البصمة الوراثية يمكن اعتمادها في إثبات النسب كما يُعتمد الشَّبه (القيافة) وذلك عند التنازع وعدم وجود دليل أقوى

مثلاً جاء في قرار مجمع الفقه الإسلامي الدولي المنبثق عن منظمة التعاون الإسلامي ، في دورته العشرين عام ٢٠١٢ م ، قرار رقم ١٩٤ (٩ / ٢٠) بشأن الإثبات بالقرائن والأمارات (المستجدات) ، فكان مما جاء فيه : " لا يجوز الاعتماد على البصمة الوراثية في نفي النسب ولا تُقَدَّم على اللعان " انتهى.

وجاء في قرار المجمع الفقهي الإسلامي التابع لرابطة العالم الإسلامي في دورته السادسة عشرة ٢٠٠٢ م ، قرار رقم: ٩٥ (٧/١٦) : بشأن البصمة الوراثية ومجالات الاستفادة منها ، حيث جاء فيه:

"ثانيًا : إن استعمال البصمة الوراثية في مجال النسب لا بد أن يحاط بمنتهى الحذر والحيلة والسرية ، ولذلك لا بد أن تقدم النصوص والقواعد الشرعية على البصمة الوراثية ثالثًا : لا يجوز شرعًا الاعتماد على البصمة الوراثية في نفي النسب ، ولا يجوز تقديمها على اللعان.

رابعًا : لا يجوز استخدام البصمة الوراثية بقصد التأكد من صحة الأنساب الثابتة شرعًا ، ويجب على الجهات المختصة منعه وفرض العقوبات الزاجرة ؛ لأن في ذلك المنع حماية لأعراض الناس وصونًا لأنسابهم.

خامسًا : يجوز الاعتماد على البصمة الوراثية في مجال إثبات النسب في الحالات التالية [وذكر حالات التنازع ونحوها] " انتهى.

-أنا مش عارف أقولك إيه يا شيخنا..جزاك الله خيرًا

دا الكلام دا هيفرح دسوقي جدًا منك لله ياحموة إنت وأمثالك توهتونا 🌸

والسلام عليكم ورحمة الله وبركاته

[#شبهات_حول_الإسلام](#)

#وَالَّتِي تَخَافُونَ نُشُوزَهُنَّ 🙄

👉 أدى ظهور النسوية في مجتمعاتنا لتحريف الكثير من المفاهيم الشرعية، ومن ضمن هذه المفاهيم التي تبدلت مفهوم تقويم نشوز الزوجات بالطرق الشرعية، وعلشان نشرح المسألة دي كان لابد من هذا الحوار 📢

- السلام عليكم ورحمة الله وبركاته.. إزيك يامصطفى.. ياترى إيه الموضوع الخطير اللي إنت كنت عاوزني فيه؟

=وعليكم السلام ورحمة الله وبركاته.. الله يسلمك ياشيخ أحمد.. كنت قاعد أبحث في موضوع علاج النشوز علشان سعيد ابن خالي كان بيتعامل غلط مع زوجته، وبصراحة وأنا بكلمه وقفت كدا في شوية حاجات معرفتش أجابه عليها.. إزاي نقوم الناشز وإزاي ننتقل من مرحلة لمرحلة لأنني قرأت إن الموضوع على مراحل يعني

-تمام يامصطفى.. الحقيقة الموضوع ده بنفهمه من قول الله تعالى: (الرِّجَالُ قَوَّامُونَ عَلَى النِّسَاءِ بِمَا فَضَّلَ اللَّهُ بَعْضَهُمْ عَلَى بَعْضٍ وَبِمَا أَنْفَقُوا مِنْ أَمْوَالِهِمْ فَالصَّالِحَاتُ قَانِتَاتٌ حَافِظَاتٌ لِّلْغَيْبِ بِمَا حَفِظَ اللَّهُ وَاللَّاتِي تَخَافُونَ نُشُوزَهُنَّ فَعِظُوهُنَّ وَاهْجُرُوهُنَّ فِي الْمَضَاجِعِ وَاصْرَبُوهُنَّ فَإِنْ أَطَعْنَكُمْ فَلَا تَبْغُوا عَلَيْهِنَّ سَبِيلًا إِنَّ اللَّهَ كَانَ عَلِيمًا كَبِيرًا (٣٤) [سُورَةُ النِّسَاءِ: ٣٤]

وهي دي الآية اللي اتكلمت عن درجات علاج نشوز المرأة وإن الموضوع بيكون على ٣ مراحل رئيسية

١/مرحلة الوعظ (فَعِظُوهُنَّ)



٢/مرحلة الهجر (وَأَهْجُرُوهُنَّ فِي الْمَضَاجِعِ)

٣/مرحلة الضرب (وَأَضْرِبُوهُنَّ)

=طيب طالما المراحل كده جايه بالترتيب يبقى سعيد ابن خالي لما ضرب زوجته قبل ما

يوعظها ويهجرها كان غلطان بقى ياشيخ

-منقدرش نقول إنه غلطان من غير ما نعرف الموضوع كان خطورته عامله إزاي

يامصطفى.. خاصة إن الترتيب دا مختلف عليه بين العلماء أساساً

=مختلف عليه؟ 😊

-أيوا يامصطفى.. جمهور العلماء مثلاً يقولوا بوجوب الترتيب والشافعية وبعض الحنابلة

يقولوا بعدم وجوب الترتيب... يعني غالباً الموضوع ممكن يكون راجع أحياناً لسلطة الزوج

في ظل قواعد عامة تمنعه من الظلم والتجبر موجودة في كل نصوص الشريعة يقرر يبدأ

بإيه

=طيب ياشيخ ليه يعني الزوج ياخذ السلطة دي مش فاهم... مش بعترض والله متفهمنيش

غلط بس إنت مش كدا شايف إن كل شئ بالود والتفاهم بيكون جميل؟

-يامصطفى لما ربنا سبحانه وتعالى أمر الزوج وكلفه بقوله: (يَا أَيُّهَا الَّذِينَ ءَامَنُوا قُوا أَنْفُسَكُمْ

وَأَهْلِيكُمْ نَارًا □) فكان لازم الزوج ياخذ بعض الصلاحيات اللي تخليه يقوم بالمهمة

دي.... شفت الإمام ابن كثير بيقول إيه في شرح القوامه ؟

=بيقول إيه؟

-بيقول: (الرَّجُلُ قِيَمٌ عَلَى الْمَرْأَةِ، أَيْ هُوَ رَئِيسُهَا وَكَبِيرُهَا وَالْحَاكِمُ عَلَيْهَا وَمُؤَدِّبُهَا إِذَا

اعوجَّت)... يعني مسئولية إعوجاج المرأة ترجع للرجل... (هو اللي هيشيل فلازم يضبط

الأمور)

=بس ياشيخ الراجل يبدأ إزاي بالمراحل دي؟

-الراجل لو وجد أي إعوجاج من المرأة في حقه أو في حق من حقوق الله يبدأ مع زوجته

بالوعظ بالحسنى وبالمعروف ويذكرها بالله... لو ملقاش نتيجة يهجرها في المضجع

=يعني إيه يهجرها في المضجع ياشيخ؟

-قال ابن عباس: الهجران هو أن لا يُجامعها، ويُصاحبها على فراشها ويؤليها ظهره... (يعني ينام معها على سرير واحد وميتكلمش معها)

=طب وإيه الحل في دي ياشيخ؟..دا غالب النساء أساسًا دلوقتي هما اللي بيهجروا الرجاله وبيناموا بعيد عنهم

-العقوبة دي يامصطفى كان السلف يقولوا عنها إنها شديدة جدًا على المرأة...ابن عباس نفسه وهو يفسر الهجر في المضع قال (وَذَلِكَ عَلَيْهَا شَدِيدٌ)...الأوضاع اللي إنت بتشوفها دلوقتي دي مش هي الطبيعي..الأوضاع دي نتيجة حتمية لاختلاط النساء بالرجال في الشوارع والوظائف وأماكن العمل...المرأة يامصطفى من كثرة الاحتكاك بقت واخده الشدة من الرجاله...قليل جدًا تلاقي أنثى تتأثر بالعقوبات اللي كانت بتخاطب صويحبات الفطرة دول

=طيب ياشيخنا...الله المستعان...دلوقتي بقى لو الهجر مش جايب نتيجة يعمل إيه؟..يضرب؟ 😞

-بعد الهجر يامصطفى الزوج يقدر بحكمة ينتقل للعقوبة الثالثة وهي (وَأَضْرِبُوهُنَّ) =سمعت ياشيخ من ناس كثير إن الضرب ده مش ضرب على الحقيقة وكدا...دا تعبير مجازي

-اللي قالوا بكده يامصطفى ناس النبي ﷺ بشرنا بيهم أساسًا

=بشرنا بيهم إزاي يعني مش فاهم

-النبي ﷺ قال: (يَكُونُ فِي آخِرِ الزَّمَانِ دَجَالُونَ كَذَّابُونَ، يَأْتُونَكُمْ مِنَ الْأَحَادِيثِ بِمَا لَمْ تَسْمَعُوا أَنْتُمْ، وَلَا آبَاؤُكُمْ، فَإِيَّاكُمْ وَإِيَّاهُمْ، لَا يُضِلُّونَكُمْ، وَلَا يَفْتِنُونَكُمْ)

الناس دول يامصطفى بدل ما يشرحوا للناس الشرع ويوضحوه بقوا مكسوفين من نصوص الشريعة وبينفوها علشان يرضوا الغرب والمنظمات النسوية اللي بترفض الدين...فمثلاً لو الضرب المذكور في الآية له معاني تانية كان إيه لزمة إن النبي ﷺ يقولك في الحديث (فاضربوهن ضربًا غير مُبرِّح) يتكلم عن الضرب (المبرح وغير المبرح ليه؟)

=آه فعلاً

-طب ليه يتكلم عن الضرب في غير الوجه؟..دا محدد أماكن الضرب كمان،دا بعض العلماء كمان كان بيحدد عدد الضربات علشان الزوج ميطغاش على زوجته

=فعلاً كلام مطبوط...طب ياشيخنا بخصوص الضرب المبرح وغير المبرح...مش ده ورد في حديث النبي ﷺ: (اتَّقُوا اللَّهَ فِي النِّسَاءِ؛ فَإِنَّكُمْ أَخَذْتُمُوهُنَّ بِأَمَانَةِ اللَّهِ، وَاسْتَحْلَلْتُمْ فُرُوجَهُنَّ بِكَلِمَةِ اللَّهِ، وَإِنَّ لَكُمْ عَلَيْهِنَّ أَلَّا يُوْطِئَنَّ فُرْشَكُمْ أَحَدًا تَكْرَهُوْنَهُ، فَإِنْ فَعَلْنَ ذَلِكَ فَاضْرِبُوهُنَّ ضَرْبًا غَيْرَ مُبْرَحٍ)...يعني موضوع الضرب ده كان في حالات الخيانة الزوجية؟ -خيانة إيه يامصطفى؟

=ما هو بيقول أهوه ياشيخ (وإنَّ لَكُمْ عَلَيْهِنَّ أَلَّا يُوْطِئَنَّ فُرْشَكُمْ أَحَدًا تَكْرَهُوْنَهُ)...يعني مفيش حد غريب تلاقيه مكانك في الفراش

-يامصطفى الحديث معناه إنها متدخلش بيتك ولا حد يطأ فراشك (اللي هو فراش البيت) حد إنت مش عاوزه

=يعني مثلاً زي صاحبها اللي إنت حاسس إنها بتخب بينكم أو كده ياشيخ؟ -تمام...أو حد من أهلها كمان إنت مش حاب تستضيفه في بيتك...دا بيتك وإنت مسئول أمام الله عن حفظ حرمة والحفاظ عليه يامصطفى

=طيب ياشيخ ما هو بيقول (فاضربوهنَّ ضرباً غير مُبْرَحٍ)...وعرفت إن نصوص الشرع كانت بتقول في الضرب إنه بالسواك أو بمنديل ملفوف كدا مثلاً...اللي هو يعني لفت نظر وكدا ياشيخ

-حوار السواك دا مش موجود في الأحاديث خالص يامصطفى...بل ده من كلام وتفسيرات بعض السلف رضي الله عنهم في بيان كيفية الضرب...والا فقد ذكروا أشياء أخرى حسب الحال

=أشياء زي إيه ياشيخ؟

-منهم مَنْ تكلم مثلاً عن الضرب باليد والضرب بالسوط...بل يشترط الحنابلة ألاّ يجاوز به عشرة أسواط ؛ لحديث : (لا يجلد أحدٌ فوق عشرة أسواطٍ إلّا في حدٍّ من حدود الله)

فالموضوع كان واضح في الطريقة والأداة حسب الجرم والمخالفة

أسماء زوجة الزبير بن العوام رضي الله عنه مثلاً كانت بتقول : (كنت رابع أربع نسوة تحت الزبير ، فكان إذا عَتَبَ على إحدانا ، فكَّ عوداً من عيدان المشجَب، فضربها به حتى يكسره عليها)

والمشجب ده خشبة كانوا يعلقون عليها الملابس

=ياشيخ ربنا يهديك..إيه اللي إنت بتقوله ده..إنت مع الكلام الفطيع ده؟

-لازم تفرق يامصطفى بين أمرين...١/ هل الضرب جائز ٢/ هل هذا أكمل هدي للنبي

ﷺ

=مش فاهم ياشيخ ياريت توضح

-يعني يامصطفى واضح جداً إن الضرب عقوبة موجودة في القرآن والصحابة كانوا بيعملوها..ولكن هل ده هو أكمل شئ في حق الرجال إنهم يضربوا بالطريقة دي

الرواية دي هتوضح لك الأمرين 📌

رسول الله ﷺ قال: "لا تَضْرِبُوا إِمَاءَ اللَّهِ"، يَعْنِي زَوَاجَتِكُمْ مِنَ النِّسَاءِ، فجاء "عُمَرُ" ابنُ الخطَّابِ رَضِيَ اللَّهُ عَنْهُ "إِلَى رَسُولِ اللَّهِ ﷺ ، فقال: ذَرْنِ النِّسَاءَ"، أي: اجْتَرَأَ وَنَشَزَ عَلَى أَزْوَاجِهِنَّ وَسَاءَ خُلُقُهُنَّ مَعَهُمْ، وَالذَّائِرُ هُوَ الْمُغْتَاطُ عَلَى خَصْمِهِ الْمُسْتَعْدُّ لِلشَّرِّ، "فَرَحَّصَ"، أي: رَسُولُ اللَّهِ ﷺ ، "فِي ضَرْبِهِنَّ"، أي: فِي تَأْدِيبِهِنَّ بِالضَّرْبِ غَيْرِ الْمَبْرَحِ وَبَعْدِينَ بَقِيَ يَامُصْطَفَى أَطَافَ بِآلِ رَسُولِ اللَّهِ ﷺ نِسَاءً كَثِيرًا يَشْكُونَ أَزْوَاجَهُنَّ [يعني النساء راحوا يشكوا أمر ضربهن للنبي] فقال النبي ﷺ لَقَدْ طَافَ بِآلِ مُحَمَّدٍ نِسَاءً كَثِيرًا يَشْكُونَ أَزْوَاجَهُنَّ لَيْسَ أَوْلَيْكَ بِخِيَارِكُمْ

واخذ بالك إن النبي ﷺ لم يعنف الأزواج على أصل فعل الضرب ولكن ذكر قاعدة عامة وهي (ليس أولئك بخياركم)

لأن الأفضلية أكيد للي قدر يغير في الحالات الأولى (الوعظ والهجر)

=تقصد يعني ياشيخ إن النبي ﷺ لم ينفه عن الضرب وبالرغم من كده وضح أن المغلاة في الضرب ليس هو الأسلوب الأكمل؟

-أيوا يامصطفى..بل النبي ﷺ حث الرجال على إكرام عِشْرَةِ النِّسَاءِ وأوصانا بهن خيراً فقال (استوصوا بالنساء خيراً)

شأيف مثلاً فهم الإمام ابن قدامة رحمه الله بعد بيانه لمرتبي وعظ الزوجة الناشز وهجرها:
"فإن أصررن فاضربوهن... وعليه أن يجتنب الوجه، والمواضع المخوفة؛ لأن المقصود
التأديب لا الإيتلاف... وله تأديبها على ترك فرائض الله"

=فعلاً... دا بيتكلم عن الغرض من الضرب ويستعمل القيود دي فعلاً... طب ياشيخنا
تنصح سعيد ابن خالي بآيه؟

-أنصح سعيد يحاول مرة واثنين وثلاثة في الوعظ، وبعد كده ينتقل للهجر لو الوعظ
منفعش، والضرب ده آخر حاجة دايمًا يفكر فيها بعد إستنفاد كل المراحل ويتق الله في
امراته

وأنصح زوجة سعيد وأقوللها لو اشتكت: (انتي ليه أساسًا توصلي بعنادك للمرحلة
الثالثة؟.. إيه اللي بينك وبين ربنا جعل الوعظ والهجر مياثروش فيكي؟
=جزاك الله خيرًا ياشيخنا.. أنا كدا فهمت الحمد لله والسلام عليكم ورحمة الله وبركاته



#الغضبانة 😊

98% من النساء يقعن في هذه الجريمة بعد الزواج ، ولتفصيل الأحكام المتعلقة بالأمر كان لا بد من فهم هذا الحوار 📌
-السلام عليكم ورحمة الله وبركاته ، كنت محتاجك ياشيخ في موضوع مهم
=وعليكم السلام ورحمة الله وبركاته ، اتفضل يا حبيبي تحت أمرك
-دلوقتي ياشيخ أختي غضبانة وزوجها مش عاوز يحل معانا ولا يبجي ياخذها ، بفكر أرفع عليه قضايا علشان نخلص ، إحنا بنحاول نخلص



الموضوع باحترام بس مفيش فايده

=هو أختك غضبانة ليه؟

-كل شوية يزعلها ياشيخ ويتخانق لأسباب تافهة ، وهي ياما اتكلمت معاه بس مفيش فايده

=طيب وهي سابت بيتها ليه؟

-ما هو كل شويه يزعلها

=هو دا سبب تركها لبيتها؟

-طبعا ، هي تقعدله في البيت ليه وهو بيعمل معاه كده !

=وهي كدا حلت المشكلة وللا المشكلة تطورت؟

-هو بصراحة الموضوع تطور جدا ومش عارفين إيه سبب كده

=السبب معروف طبعا ، مخالفة واحدة عملتها أختك هتكون سبب خراب البيت

-مخالفة عملتها أختي؟..أختي هي اللي عملت المخالفة بعد كل اللي سمعته ده؟

=طبعًا..أختك تركت بيتها وخرجت بغير إذن زوجها ، عاوز إيه أكثر من كده علشان تنتظر منها تخالف؟...خروج المرأة من بيتها بغير إذن زوجها معصية ، دا النبي ﷺ يقول: (لا تَمْنَعُوا نِسَاءَكُمْ الْمَسَاجِدَ)

يعني حتى في خروجها للمسجد محتاجه فيه إذن زوجها ، والفقهاء أجمعوا أنه لا يجوز للمرأة سواءً كانت متزوجة أو غير متزوجة أن تخرج من بيتها بغير إذن وليها [والدها مثلاً قبل الزواج ، وزوجها بعده]

-ماشي ياشيخ أنا عارف طبعًا كل الكلام ده ، بس يعني إيه حوار بيتها اللي إنت قاعد تتكلم فيه ده؟...دا بيته ياشيخ وهو مزهقها خالص وكل شوية يفتعل المشاكل =ياطيب...الله تعالى نَسَبَ منزل الزوجية للمرأة في أكثر من آية في كتابه.. كل ده علشان النساء يتمسكن ببيوتهن

قال تعالى { لَا تُخْرِجُوهُنَّ مِنْ بُيُوتِهِنَّ }..البيت للزوجة أهوه وقال في سورة يوسف { وَرَأَوْنَهُ النَّبِيَّ هُوَ فِي بَيْتِهَا عَنْ نَفْسِهِ } يعني امرأة العزيز تراود يوسف عليه السلام وتهم بالمعصية في بيتها....(نَسَبَ بيت العزيز لها لأنها زوجته)

بل قال الله لأمهات المؤمنين { وَقَرْنَ فِي بُيُوتِكُنَّ وَلَا تَبَرَّجْنَ تَبَرُّجَ الْجَاهِلِيَّةِ الْأُولَى } وقال لهن أيضًا { وَادْكُرْنَ مَا يُتْلَى فِي بُيُوتِكُنَّ مِنْ آيَاتِ اللَّهِ وَالْحِكْمَةِ } مع العلم أنها بيوتات النبي ﷺ

-حلو جدًا ياشيخ... بس ياشيخ بصرف النظر عن موضوع أختي يعني..فيه رجاله يطردوا النساء من البيوت اللي بتتكلم عنها دي.. الست تنطرد يعني وتقعده في البيت؟ =هو أنا لو كنت في بيتك وطردتك تطلع علشان طردتك منه؟ -هههه.. لا طبعًا

=النساء للأسف من تلاعب الشيطان بعقولهن جعل عندهن أشياء ممكن يقفوا فيها قدام أي حد علشان حقوق لهن ، ولكن الشئ اللي على أهوائهن بيعملوه عادي..مثلاً لو معاها حكم بالتمكين بتطرده وبتعتبره بيتها..أحكام القضاء عندهن تفوق على أحكام الله...عارف إمتي الزوج يخرج زوجته من بيتها؟

-أكيد لو زعل منها وعملت في حقه حاجة كبيرة
=الزوج يخرج الزوجة من بيتها لما تقع في فاحشة... متخيل؟
-معقولة؟.. فاحشة !

=شايف ربنا بيقول إيه للنبي ﷺ { يَا أَيُّهَا النَّبِيُّ إِذَا طَلَّقْتُمُ النِّسَاءَ فَطَلِّقُوهُنَّ لِعَدَّتِهِنَّ وَأَحْصُوا الْعِدَّةَ وَاتَّقُوا اللَّهَ رَبَّكُمْ لَا تُخْرِجُوهُنَّ مِنْ بُيُوتِهِنَّ وَلَا يَخْرُجْنَ إِلَّا أَنْ يَأْتِيَنَّ بِفَاحِشَةٍ مُبَيِّنَةٍ وَتِلْكَ حُدُودُ اللَّهِ وَمَنْ يَتَعَدَّ حُدُودَ اللَّهِ فَقَدْ ظَلَمَ نَفْسَهُ لَا تَدْرِي لَعَلَّ اللَّهَ يُحْدِثُ بَعْدَ ذَلِكَ أَمْرًا }

-دا كمان في الطلاق وللا أنا فاهم غلط؟
=أيوا طبعًا... دا لو الراجل طلق زوجته طلاق رجعي... [يعني الطلقة الأولى أو الثانية].. الست متخرجش من بيتها خالص كمان غير لما تكون اتمسكت في فاحشة
-تقعد معاه في البيت؟

=أيوا... تقعد في البيت وتقضي عدتها كمان في بيتها متخرجش منه
-بس كدا هتكون عايشه معاه ياشيخ
=أيوا.... ودي من الأشياء اللي بتبين لك عظمة وجمال الشريعة ، هتفضل في البيت لا يقربها في فترة العدة ، متخيل كام واحد من الأزواج يتحمل الحكم ده؟ ولو قرب منها تبقى رجعتله 😊

-دا لو دا حصل ياشيخ غالبًا كل الأزواج هيراجعوا زوجاتهم في العدة ومش هنلاقي طلاق 🤔

=طبعًا.. الناس لما بعدوا عن تعاليم الشرع بقيت تلاقي الست اللي تغضب وتسبب بيتها وتدي مجال وفرصة للأهل يتدخلوا [الصالح منهم والطالح] ويفسدوا في البيوت... رب العالمين يعلم إن المشكلة لو فضلت جوا البيت موسعتش هتتحل ودا معنى قوله تعالى { لَا تَدْرِي لَعَلَّ اللَّهَ يُحْدِثُ بَعْدَ ذَلِكَ أَمْرًا }... يعني مراجعتها

-دا كدا الستات بيثبتوا بقى تهمة على أنفسهم لما يسيبوا البيوت 🤔
=أكيد... ودا اللي بنحذر منه شايف ربنا في الآية اللي بعدها قال إيه: { فَإِذَا بَلَغْنَ أَجَلَهُنَّ فَأَمْسِكُوهُنَّ بِمَعْرُوفٍ أَوْ فَارِّقُوهُنَّ بِمَعْرُوفٍ }

يعني لما تبلغ الأجل (فترة العدة) له أن يُمسكها [يعني ترجع لعصمته] أو يفارقها]
يستمر على طلاقها]

-بس فيه حالات ياشيخ بنسمع عنها الست بتنضرب وتتهان وتتجرجر في الشارع
بالعافية...تفضل قاعده في البيت يعني لحد ما يموتها؟

=والحالات دي كام في المائة؟..يعني كام حالة شفتها بعينك من ضمن اللي غضبوا حصل
لهن ذلك؟ - لا ياشيخ يعني مقصدش..أكيد مش كثير

=الحالات دي نادرة جدًا جدًا..ومش هي دي الحالات اللي الحكم الشرعي يتغير
علشانها..(النادر لا حُكم له)

ولكن لما واحدة يحصللها حالة نفسها فيها سترَهَق فعليًا فلها ترك البيت والفرار
بنفسها..لأن حفظ النفس من الضروريات التي ينبغي المحافظة عليها...إحنا بنشوف
واحدة غضبت وسابت بيت زوجها علشان شتمها أو ضربها بإيده أو أي شئ...هي دي
أسباب تستحق إنها تترك بيتها ونقول إن حياتها اتعرضت للخطر؟

-معاك ياشيخ...طيب اللي حياتها متعرضتش للخطر لسه دي...تعمل إيه؟
=تتصل بأهلها ويروحوا يحلوا مشكلتها في بيت الزوج أو في أي مكان عادي..إيه
المشكلة؟

-فيه أزواج صعبين ياشيخ ميكبروش لحد..الست تعمل إيه؟
=لو استحال العشرة تطلب الطلاق منه وتَقَعِد ناس يطلقوها بعد ما يحكموا
بينهم...معقولة مفيش في عائلات النساء دول راجل؟..أمال اتزوجوا إزاي؟

-والله ياشيخ أنا شايف إن الشريعة جعلت للطلاق قيود كبيرة جدًا لحفظ البيوت
=أكيد...الشیطان يهيمه زعزعة استقرار البيوت المسلمة...هاااا ناوي تعمل إيه دلوقتي؟
-ناوي أصلح غلطتي وأرجع أختي لبيت زوجها ، ومتأكد إن زوجها بعد كده مهما عمل
مش هيكون أد الذنب اللي أختي عملته...وناوي أتوب من مخالفة كل الأحكام الواضحة
دي وربنا يقبل توبتي دا أنا كنت ههدم البيت كله 🙏


=ربنا يتوب عليكوا ، ولو محتاجني آجي معاك لزوجها معنديش مانع

-شكرًا ياشيخ ، ربنا يحفظك #تصحیح_مفاهیم_الزواج

👉 لما الزوجة الغضبانة كانت واخده العيال وقاعده
عند والدها حاولنا نتدخل فلقيناه بيطالبنا
بالمصاريف ، وده كان سبب الحوار ده 📌
-يدفع اللي صرفناه عليها في ال ٣ شهور دول
ياشيخ وييجي ياخذها

=بس أنا سمعت إنها قاعده عندك على خلاف
رغبته يا حاج ، وهو قاللي إنها تركت البيت وهو
مش موجود ومشيت

-أيوا طبعًا...هي تقعدله فيه بعد ما شتمها؟
=طيب يا حاج ، بصرف النظر عن كل الكلام ده ،



بس منين هي خرجت من غير إذنه ومنين بتلزمه يدفع المصاريف بتاعتها اللي صرفتها
وهي تحت ولايتك إنت ؟

-هي مش مراته ياشيخ وللا إيه؟

=أيوا يا حاج..مراته.. بس هي في الوقت ده مكنتش تحت ولايته..دي خرجت من غير
إذنه فبقى لها أحكام تانيه خالص

-أحكام تانيه؟..يعني بقت طليقتة مثلاً؟

=لا يا حاج..هو الزوجة ملهاش أحكام في الزواج تانيه غير بعد ما تتطلق؟

-مش فاهم 🤔

=يا حاج...بنتك بعد ما خرجت من بيته بغير إذنه ومشيت بمزاجها بقت زوجة (ناشر)...

يعني زوجته صحيح بس لها أحكام تانيه في الشرع

-بنتي ناشر ؟ ناشر ليه إن شاء الله؟..وهو النفقة على الزوجة مش واجبة؟

=النفقة على الزوجة واجبة طبعًا يا حاج محدش يقدر يتكلم بغير ده

قال تعالى: (لِيُنْفِقْ ذُو سَعَةٍ مِنْ سَعَتِهِ وَمَنْ قُدِرَ عَلَيْهِ رِزْقُهُ فَلْيُنفِقْ مِمَّا آتَاهُ اللَّهُ لَا يُكَلِّفُ اللَّهُ نَفْسًا إِلَّا مَا آتَاهَا)

وقال النبي ﷺ: (وَلَهُنَّ عَلَيْكُمْ رِزْقُهُنَّ وَكِسْوَتُهُنَّ بِالْمَعْرُوفِ)

دا كمان الإسلام أباح للزوجة اللي زوجها بخيل ميصرفش عليها في الأساسيات تاخذ من ماله بالمعروف بغير علمه ، والنبي ﷺ قال لـ (هند) زوج (أبي سفيان) لما اشتكت له أنه بخيل: (خُذِي مَا يَكْفِيكِ وَوَلَدَكَ بِالْمَعْرُوفِ)

دا كمان النفقة تجب بمجرد التمكين ، يعني بمجرد تمكينك للزوج من بنتك تجب عليه النفقة ، دا حتى لو عَقَدَ عليها وقعدت في بيتك وإنت معندكش مانع يتزوج في أي موعد والتأخير من عنده النفقة بتكون عليه وهي في بيتك

-الله ينور عليك..وهي في بيتي أهوه..جاي دلوقتي تقوللي ملهاش نفقة؟
=أيوا يا حاج عجة..قصدي أيوا يا حاج..بس الزوج بيكون مُمَكِّن منها...إنت بنتك كانت تحت طاعته؟

-لا طبعًا..بنتي في بيتي وتحت طاعتي أنا
=خلاص...النفقة تتبع التمكين...اللي بنتك منصاعة لأوامره عليه النفقة
بنتك ناشز يا حاج ملهاش نفقة على زوجها..هو مش ملزم يصرف عليها..حتى ملهاش في رقبته زكاة..يعني لو جه موعد زكاة الفطر وهي ناشز زكاتها هتكون عليك مش عليه
-طيب مش هجادلك كثير..أصلاً دي بنتي وكدا كدا الحمد لله الخير موجود...طب عياله اللي عندي دول وقعدت أصرف عليهم

=لا طبعًا..نفقة العيال واجبة على والدهم طالما العيال تحت أوامره ومُمَكِّن منهم
قال الله تعالى: (فَإِنْ أَرْضَعْنَ لَكُمْ فَآتُوهُنَّ أُجُورَهُنَّ)
يعني بينفق عليها كمان بسبب الطفل في الرضاعة ، وبعد كدا عليه النفقة في حياته لحد ما الولد يبلغ سن البلوغ والبنت لحد ما تتزوج وتنقل ولايتها لزوج بينفق عليها.. قال تعالى: (وَعَلَى الْمَوْلُودِ لَهُ رِزْقُهُنَّ وَكِسْوَتُهُنَّ بِالْمَعْرُوفِ)

-آه طبعًا...ما هو إحنا بنقول كده يقول لنا مكنتش بشوفهم علشان أصرف عليهم
=لا استنى.. هو مكنتش بيشوف عياله؟

-يشوف عياله إزاي ياشيخ وهو مزعل أمهم..دا أنا كنت كمان مخلي العيال يعملوله بلوك
ومكنش بيعرف يكلمهم

=يعني العيال مثلاً كانوا ممكن يخرجوا من بيتك بغير إذن والدهم ولما والدهم يطلبهم
مكنش بيلاقيهم؟

-آه طبعاً..هي بنتي مش غضبانة؟

=طب وإيه اللي يخليك تمنع العيال؟


-ما هو العيال دول ورقة ضغط كويسة برضو علشان نخليه ينفذ طلباتنا
=طيب مش تقوللي...كدا نفقة العيال وهما عندك بالظروف دي عليك يا حاج مش على
والدهم

-نعمممم..علياً..طب أمهم وقلت ناشز...العيال نواشز هما كمان؟
=لا يا حاج..مش أنا قلتلك النفقة تتبع التمكين؟..هيصرف على عياله ليه وهو مش ممكن
وممنوع عنهم؟..فين ولايته عليهم اللي أوجبت النفقة؟

-إزاي بس ياشيخ..العيال صرفوا عندي في ٣ شهور بتاع ٢٠,٠٠٠ ج
=ومين أجبرك تصرف عليهم يا حاج..إنت قلت لأبوهم ياخداهم وهو رفض؟
-لا طبعاً...بس الكلام دا غريب جداً

=لا يا حاج...ولا غريب ولا حاجة...دا شيخ الإسلام ابن تيمية اتكلم في المسألة دي
من يبجي ٧٠٠ سنة

-قال إن العيال نفقتهم على جدهم؟
=قال شيخ الإسلام ابن تيمية رحمه الله في مختصر الفتاوى المصرية: (وإذا حُكِم بالولد
للأم، فغيبته عن الأب؛ لم يكن لها أن تطالبه بالنفقة المفروضة، ولا بما اتَّفَقا عليه)
يعني حتى نفقة العيال وهما في حضانة أمهم ومحكوم لها بيهم معاها بتسقط لما الأم
تغيبهم عن والدهم

العلماء فاهمين من زمان إن النفقة تتبع التمكين ، مفيش تمكين مفيش نفقة ، مفيش ولاية
مفيش نفقة 

-يعني النفقة اللي أنا طالبها منه دي مش هاخدها؟

=طبعاً يا حاج..ملكش تلزمه بنفقة على ابتك الناشز ولا العيال المخطوفين

-ياشيخ دول مش مخطوفين دول قاعدين مع جدهم

=ياحاج إنت لو فعلاً مش خاطفهم مكنتش غيبتهم عن والدهم

-ما هو أنا سمعت من مشايخ كثير كلام غير ده ، وابني قرأ فتاوى عالنت في الموضوع ده يقول إن النفقة واجبة عليه

=الفتاوى اللي بتسمعها تتكلم عن وجوب النفقة على العيال المخطوفين وخارج نطاق التمكين من أبيهم دي كلها فتاوى مُستهلكة يا حاج...فتاوى المقصود منها عدم زيادة الفجوة علشان البيوت ترجع لمجاريها ثاني ، ولكنها كلها بتخالف الأصل اللي العلماء رتبوا عليه سقوط النفقة عن الزوجة الناشز قبل ما يسقطوا النفقة عالعيال المخطوفين عندك ، العلماء دول بيتكلموا من باب الفضل مش من باب الإلزام ، وأنا مقدرش أُلزم زوج سقطت نفقة زوجته الواجة عليه بعدم التمكين منها علشان النفقة تتبع التمكين وأقول له أنفق على عيالك اللي نفقته برضو واجبة بس ممنوع من رؤيتهم أو التصرف في كل شئونهم كأب له الولاية الكاملة

=طب ما تنصحه يعمل دا من باب الفضل

-أنا لو هنصحه يا حاج عمري ما هنصحه غير بإذلالك زي ما حرمته من العيال ، الشريعة يا حاج مفيهاش أحكام مش منطقية علشان نلف وندور حوالها ، ومفيهاش حكم يقول للمظلوم طايطي علشان تنتصر..خلي الزوجة والعيال عندك وسييني أنصح الزوج أنا بقى بياقي أحكام الشريعة اللي إنت ومشايحك بتخبوها عنهم

-بقولك إيه ياشيخ..ممكن تطلع من الحوار ده وتعتبرني مقلتلش حاجة؟

=مهههه..حاضر🤔🤔🤔

#تصحيح_مفاهيم_الزواج



تغلغت النسوية في كل مفاصل المجتمع ،
واستترت نسوية البعض من النساء بلباس
محتشم يُخفي ما وراءه من كارثة ، ولتوضيح
كيف تذرث النسوية تحت هذا اللباس كان لا
بد من هذا اللقاء ✨

-السلام عليكم ورحمة الله وبركاته ، إزيك
ياشيخ أحمد

=وعليكم السلام ورحمة الله وبركاته ، الله
يسلمك يامصطفى ، خير ياغالي كنت عاوزني
في إيه ؟

-تابعت حوارات لك وإنّ بتحذرنّا من
المتذرثات ياشيخ وبتقول محدش يتزوج منهن ،

لحد دلوقتي مش فاهم إيه السبب في ده ، واتصدمت أكثر لما لقيت نفس الهيئة اللي
كلنا بندور عليها موجودة هناك

=شوف يامصطفى ، النبي ﷺ لما دعا الناس للإسلام اهتم في البداية بزرع العقيدة
الصحيحة في القلوب ، ودا كان لازم علشان ينتزع كل أثر من آثار الجاهلية اللي هياثر
بعد كدا على التسليم لأوامر الله وهيخلي الناس يقولوا سمعنا وعصينا بدلًا من سمعنا
وأطعنا ، وكان في كل وقت ومع مرور الأحداث يوضح شبهات الكفر والجاهلية للناس
علشان الصحابة ميقعوش فيها وتأثر على تسليمهم ، ولما قعد في مكة ١٣ سنة كل همه
يعلمهم ده ويغرس في قلوبهم العقيدة الصحيحة قدر يطلع جيل ميهتزش بالشبهات دي
ويكون كل اللي في قلوبهم الإسلام فقط

-طب إيه علاقة دا بموضوعنا ؟

=ما هو دا أساس الموضوع يادرش ، لأن الجاهلية مترسخة في القلوب من زمان ففيه
بعض الناس مقدروش ينظفوا رواسب جاهليتهم ، وبقت الأحداث في كل موقف محتاج



الإستسلام لأمر لله بنلاقيهم اتفضحوا واتعروا قدام أنفسهم وظهرت طائفة المنافقين اللي القرآن ياما اتكلم عنهم ، شوف ربنا بيقول إيه : (فِي قُلُوبِهِمْ مَّرَضٌ) يعني أمراض الجاهلية لسه موجودة في القلوب للأسف ، النسوية بقى في مجتمعنا هي اللي بتقوم بدور الجاهلية دي واللي مش هتقدر تخلص نفسها من رواسبها هتعيش دور المنافقين اللي كانوا على عهد النبي ﷺ ، بصلوا مع الصحابة وبيتصدقوا ويذكروا ربنا والهيئة هي هي ولكن رواسب الجاهلية ماله القلب ❤️

-يعني تقصد تقول إن المتدثرة دي هي اللي بتقوم بدور المنافقين اللي كانوا على عهد النبي ﷺ ياشيخ ؟

=شوف يامصطفى ، مفهوم ال[تَدَثُّر] أي المتخفي في ثوب يُعْمِي حقيقته عن الناس ، المتدثرات اللي بتكلم عنهم دول أخذوا المظهر الخارجي للإسلام ولكن القلوب مليئة بتعاليم النسوية ، ترتدي في الظاهر حجاباً شرعياً [نفس ما كان عليه المنافقين من حُسن سَمَت وهيئة] ولكن في الداخل خراب

-طب ياشيخ والنسوية دي هتيجي منين لقلب واحدة ملتزمة كدا بحجاب شرعي ؟
=النسوية متغلغلة في كل مفاصل المجتمع يامصطفى منذ الصغر ، النسوية متغلغلة في مناهج التعليم ، متغلغلة في أفكار الجيل المُربّي ، متغلغلة في الأفلام والمسلسلات وكل شئ ، النسوية يامصطفى بقت دلوقتي بيتعمللها قوانين علشان تفرضها على المسلمات كأمر واقع لا مفر منه

-طب وتفتكر ياشيخ إيه اللي يخلي مسلمة ترفض تعليمات النسوية دي ومسلمة تانيه تقبلها ؟

=العقيدة يامصطفى ، فين دور العقيدة في حياة المسلمات ؟...فين تعلم الإستسلام لأمر الله ورسوله دلوقتي في مناهج التعليم ؟...عمرك شفت منهج بيعلم المسلمات دورهم الرئيسي في الأمة وللاكل المناهج بتناقش إزاي يحققوا ذاتهم بالخروج والإختلاط وبيئة العمل ؟

المسلمة من وهي طفلة صغيرة بيعلموها تكون زي هدى شعراوي وصفية زغلول ويكبروا في دماغها أفكار قاسم أمين ، عاوزها تطلع فاهمه غايتها اللي ربنا خلقها لها إزاي وتربي للأمة جيل ؟

-فعلاً ياشيخ ، دا إحنا كمان بقينا نلاقي مسلمة تجادل في نصوص الطاعة والقوامة ومتأثرات بالفكر النسوي في ده ، بس ياشيخ إزاي نعرف المتدثرات ؟..يعني إحنا نعرف إن النبي ﷺ كان بيعرف المنافقين من لحن قولهم (وَلَتَعْرِفَنَّهُمْ فِي لَحْنِ الْقَوْلِ) ودا شئ مش متوفر لأي حد

=رأس مال المتدثرة يامصطفى التشدق بالعلم الشرعي ، هتلاقي الطائفة دي دايمًا اتعلمت العلم علشان تكتب على صفحتها إجازاتها وشهاداتها والمتون اللي حفظتها ، هتلاقيها مهتمة جدًا بده مع حرص شديد على الدعوة لكده

-طب وفين المشكلة ياشيخ ؟ الموضوع دا مش شايف فيه أدنى شئ =أحد السلف يقول: (العلم ثلاثة أشبار ، مَنْ دَخَلَ فِي الشَّيْرِ الْأَوَّلِ تَكَبَّرَ، وَمَنْ دَخَلَ فِي الشَّيْرِ الثَّانِي تَوَاضَعَ، وَمَنْ دَخَلَ فِي الشَّيْرِ الثَّلَاثِ عَلِمَ أَنَّهُ لَا يَعْلَمُ)

وعلشان كذا كان علمائنا يحذروننا من (أبا شبر) ، ودا اللي أخذ الشبر الأول من العلم وبدأ يتعالى به على الناس ، والسبب إنه جاهل ميعرفش إن العلم بَحْرُهُ عميق

-جاهل إزاي ياشيخ دا كتير منهم بيكونوا حاصلات على إجازات كتير أوي =دليل جهلهم يامصطفى إنهم إلى الآن مش عارفين غاية العلم الشرعي للمسلمة ، المرأة كل حياتها وتعليمها بيكون لأجل الوصول للجنة ، وعمرك ما هتلاقي واحدة هدفها الوصول للجنة تجادللك في قوامة راجل هو أساسًا (جنتها ونارها)

هو دا أساس القضية اللي غُيِّبَتْ عن المتدثرات

-ولكن ياشيخنا هما بيتكلموا في الطاعة وبيحاربوا النسويات على طول الخط =أكيد ، ولكن أفعالهم بتفضحهم وبتكشفهم دايمًا ، وفي كل موقف يصطدم مع أهوائهن

اللي النسوية ربتها جواهرم هتلاقيهم بيعترضوا وبيجادلوا بنصوص الدين -تقصد مثلاً زي التعدد ؟

=مش التعداد بس ، إنت هتلاقيهم لما يتزوجوا ويلاقوا أنفسهم ملهمش في شغل البيت بسبب إنهم مشافوش بيوت أصلاً زي غالب الجيل بتاعهم اللي اتربى في شارع الدروس والسكاشن قبل ما يلتزموا قاعدين يكلموك في أحكام خدمة الزوجة لزوجها بين الوجوب والإستحباب ، ولما تلاقيها مقصرة في حقوق الفراش بسبب ضياع عمرها في الإختلاط اللي أورثها البرود وغياب الفطرة هتلاقيها بتكلمك عن مراعاة نفسية الزوجة وكيفية الرفق بالقوارير وهتستمتع بكل القضايا الخلافية منها 🧑

والمصيبة الكبيرة لما تحب تعدد هتلاقيها راكمه جواد حزب النور وتكلمك عن المصلحة المتحققة من زواجك والمفسدة المترتبة على نفسيته 🧑

وهتفاجئ بأجمل أغنية بيردوها على ألحان النواشر وتقولك: (شرع الله ولكن لا أطيعه) مهم جداً تلحق شرع الله بكل كفر تنطقه علشان التدثر بيتطلب كدا

-اممم... 🤔... دا الموضوع كبير

=والأكبر منه بقى مشهد المتدثرة ساعة المشكلات

-ماله ياشيخ ؟

=هتلاقي حقيقتها بتظهر على خلاف الفطرة الطبيعية اللي ربنا سبحانه وتعالى فطر النساء عليها ، قال تعالى { أَوْ مَن يُنَشِّئُوا فِي الْحِلْيَةِ وَهُوَ فِي الْخِصَامِ غَيْرُ مُبِينٍ □ } [سُورَةُ الزُّخْرُفِ: ١٨]

يقول ابن كثير رحمه الله في تفسيره لهذه الآية: (الْمَرْأَةُ نَاقِصَةٌ يَكْمُلُ نَقْصُهَا بِلُبْسِ الْحُلِيِّ مُنْذُ تَكُونُ طِفْلَةً، وَإِذَا خَاصَمَتْ فَلَا عِبَارَةَ لَهَا، بَلْ هِيَ عَاجِزَةٌ عِيَّةٌ)

لما تلاقي واحدة في المشكلات بقى قاعده مركزة كدا وبتكلم بنصوص الشريعة بكل فصاحة ولا ابن تيمية في زمانه فدي متدثرة ، واخدة العلم الشرعي وسيلة فقط للظهور والدفاع ، لكن من داخلها منعدمة الفطرة زيها زي أي نسوية تاركة منهج الله

-طب ياشيخ مفيش كدا علامة ظاهرة نعرفهم بيها ؟

=فيه علامات كتير يامصطفى ، أول العلامات دي الجدل ، هتلاقيها كثيرة الجدل بنصوص الشرع ، ولإن النساء مهما وصلن من علم شرعي هيفضلوا في مرحلة (أبا شبر) للأسف فهتلاقي جدالها عقيم ، جدال لأجل الجدل فحسب بسبب ضعف عقلها أمام

تعلم أحكام الشرع من مَظَانِّه الرئيسية ، واللي هتتقذ نفسها من الجدل أو تستتر بستار
تاني هتلاقيها واخده قضية من القضايا الكبيرة (اللي في الغالب النساء مبيتكلموش فيها)
وبتصدر لها

-زي إيه ياشيخنا ؟

=زي قضية الحاكمية مثلاً ، هتلاقي فِرَق من النساء قاعدين يتكلموا فيها ويقاطعوا بعض
بسببها ، وهتلاقي لهن شيخات كل فريق متبع الشيخة بتاعته ، عارف يامصطفى ؟
-عارف إيه ياشيخنا ؟

=نفس اللي بتكلمك في القضايا الكبرى دي متعرفش تدخل المطبخ وهتلاقيها منتنة في
بيتها

-أنا فاكِر ياشيخ لما قتلنا عن الست المتدثرة اللي رفضت زوجها يعدد علشان مينفعش
تجتمع مع واحدة متعرفش الحاكمية مضبوط 🤔

=أي حِجَّة وخلاص تعترض بيها على شرع الله لما يصطدم بالنسوية ، المنهج واحد ولكن
الإعتراضات مختلفة

-طيب ياشيخ ، هل التدرج دا برضو موجود في الرجال ؟

=أكيد ، تعاليم العلمنة والماسونية لم تترك فصيلاً إلا وتوغلت فيه ، دخلت للنساء
بالنسوية وللرجال أيضاً ، عاوز إيه أكثر من واحد قاعد يدعي حب الشرع وعاوز يتزوج
مثلاً على الشرع علشان فقط ميكتبش قايمة ؟!... وكل حياته بعيدة عن شرع الله أصلاً
قال تعالى: (يَأْتِيهَا الَّذِينَ ءَامَنُوا أَدْخُلُوا فِي السِّلْمِ كَآفَّةً)

أي ادخلوا في الإسلام جميعه ، فلما تلاقي واحد بياخد بعض النصوص ويترك بعضها دا
برضو متدثر بزى الشرع


-يعني تنصح المسلمات برضو يعملوا إيه مع المتدثر ياشيخ ؟

=لو أخت مسلمة اكتشفت شاباً متدثراً مينفعش تكمل كلام معاه أصلاً... لازم تفر بدينها
دا واحد هيتسلم القوامة عليها ، ولو واحد اكتشف نفسه عايش مع متدثرة يلحق يفر
بدينه بعد ما يدعوها إلى الإسلام الصحيح اللي هو الإسلام لأوامر الله بلا جدال ولا
مراء ، وربنا ينجي إخواننا وأخواتنا من النفاق 🌸

#الشباب_بين_الزواج_والإضراب 🤔❤️

👉تعمل العلمانية في الخفاء لقطع النسل المسلم ، استطاعوا بخبثهم جذب طائفة من ضعاف النفوس انهزموا بما أسسوا له لهذه الغاية ، فظهرت دعوى ترك الزواج بين المسلمين ليحل وينتشر مكانها الزنا والفجور ، وفي هذا الحوار نناقش هذه الدعوى بين الحُجَّة والغاية والنوايا المستترة

-كنت قرأت لك ياشيخ أحمد مجموعة من السلاسل بتكلمنا فيها عن الزواج من المصريات ، بصراحة كلامك جميل بس ليا



تعليق عليك

=اتفصل ، بس أنا مش بتكلم عن الزواج من مصريات فحسب ، أنا بتكلم وبشجع الزواج بصفة عامة من أي مسلمة ، الجنسية مبتفرقش بيننا كمسلمين -جميل ياشيخ ، ولكن إنت مش شايف إن الزواج من مصرية في الوقت الحالي في ظل قوانين الأحوال الشخصية وقوانين وتشريعات الخلع وإعطاء المرأة ما ليس لها مهلكة للمال من جانب ومهلكة بعد ذلك للنسل بعد تشريعات قوانين الحضانة من جانب آخر ؟

=فعلاً معاك حق ، الزواج من النواشز الفاجرات كذا بالفعل -النواشز الفاجرات ؟

=طبعاً يامصطفى ، هو فيه أخطر من إنك تتزوج ناشز تضع عليها مالك ومتعرفش بعد كذا بسببها تربى عيالك ؟

-يعني ياشيخ إنت متفق معنا في دعوتنا لترك الزواج من مصريات ؟

=أنا متفق معاك في دعوتك لترك الزواج من النواشز يامصطفى ، لكن عمري ما أتفق معاك في دعوى لترك الزواج أبداً

-ياشيخ إحنا مش عاملين دعوى لترك الزواج خالص ، دا من المصريات بس

=طب وياه الآلية اللي معاك بتنصح الشباب بيها للزواج من غير المصريات ؟

-آلية ؟...!مش عارف ، بس هما يشوفوا بقى حظهم

=ركز معايا شويه يامصطفى ، كل نصوص الشرع تنص على الترغيب في الزواج وَقَدْ تَزَوَّجَ

النَّبِيُّ بِأَكْثَرِ امْرَأَةٍ، وَقَالَ: (إِنِّي أَتَزَوَّجُ النِّسَاءَ، فَمَنْ رَغِبَ عَنْ سُنَّتِي فَلَيْسَ مِنِّي)

وحدث النبي ﷺ الشباب عليه فقال "يا مَعْشَرَ الشَّبَابِ مَنِ اسْتَطَاعَ الْبَاءَةَ فَلْيَتَزَوَّجْ فَإِنَّهُ

أَغْضُ لِلْبَصْرِ وَأَحْصَنَ لِلْفَرْجِ، وَمَنْ لَمْ يَسْتَطِعْ فَعَلَيْهِ بِالصَّوْمِ فَإِنَّهُ لَهُ وَجَاءٌ

وحدثنا أيضاً على تكثير النسل والتركيز عليه من بداية الاختيار فقال (تَزَوَّجُوا الْوُدُودَ الْوُلُودَ،

فَإِنِّي مُكَاثِّرٌ بِكُمْ الْأُمَمَ)

بل رغب الخائفين من تكاليف الزواج فقال (ثَلَاثَةٌ حَقٌّ عَلَى اللَّهِ عَوْنُهُمْ: الْمُجَاهِدُ فِي

سَبِيلِ اللَّهِ، وَالْمُكَاتِبُ الَّذِي يُرِيدُ الْأَدَاءَ، وَالنَّاكِحُ الَّذِي يُرِيدُ الْعَقَافَ)

يعني اللي بيتزوج علشان يعف نفسه ميقلقش...حق على الله إعانته

دا كمان الزواج في حق غالبية الشباب واجب ، متخيل ربنا سبحانه وتعالى يوجب عليك

شئ هيحاسبك في الآخرة على تضييعه لو أثر عليك تركه ويجعل طريق الوصول إليه

مستحيلاً ؟

-ياشيخ أنا مش مختلف معاك في كل ده ، كلنا نفسنا المنظومة تتغير ونتزوج ، بس في

ظل الظروف دي نتزوج ونضيع حياتنا إزاي في عملية غير محسوبة ولا مضمونة ، يبقى

الدعوى دي إيه الغلط فيها ؟

=العلمانيين يامصطفى علشان ينشروا الزنا كان لازم يحدوا من الطريق الفطري الحلال

اللي بيصعب وجوده في المجتمع ، بدأت الماسونية بزراع النسوية في المجتمع علشان

تفسد النساء ، وبعدين بدأت تشرع قوانين علشان النسوية تكتسب قوة على الأرض

لتحقيق هذا الهدف ، وبوجود شريحة كبيرة في المجتمع سترتد وتدين بدين النسوية حصل

عملية إفساد لكثيييير من النساء للأسف وبقينا نلاقي المرأة الصالحة نادرة جدًا في مجتمعنا

-الحمد لله ياشيخ إنك عارف أهوه ، يعني الصالحات نادرات في المجتمع
=الصالحات يامصطفى لا تتجاوز نسبتهن الـ ٥% ومعنى ده إنك علشان تُوفّق لزوجة من الـ ٥% دول صحيح ممكن تتعب بس هتلاقي ، ميقاش البديل إنك تكون بوق للزنادقة لتمرير مخططاتهم بنشرها والدعوة إليها

-ياشيخ ما هو إحنا بنقول يتزوجوا من برا مصر
=العلمانية علشان تمرر مخططاتها هتفترض لضعاف النفوس فرضية بديلة (غير متاحة ولا متوفرة لجموع الشباب) اوعى تكون فاكّر إنهم هيقولولك (عاوزين ننشر الزنا فبلاش تنزوجوا)

لا خالص....دول هيقولولك بلاش تنزوج مصرية وتزوجها من برا مصر علشان عارفين إنك هتضيع عمرك في البحث عن زوجة من برا وبعدين مش هتلاقي...وأديك إنت نفسك بقالك ٣ سنوات بتتكلم ولسه بشوفك عالفيس كل ما حد يفتح الموضوع تدخل تسأله عن الطريق منين 🙄🙄

قدروا يقطعوا نسلك ويخلوك تتبّل وتترك الزواج وإنت مش حاسس ، بالرغم إن النبي ﷺ نهى عن التَّبَل (يعني ترك الزواج لأجل العبادة)

تخيل! لأجل العبادة ، فما بالك بقى باللي بيترك الزواج وعبادته صفر كمان 🙄
-طب ياشيخ الواحد يختار إزاي من النسبة البسيطة دي ؟...إنت بتقول ٥% ، حضرتك متعرفش عدد الشباب أد إيه ؟

=يامصطفى عدد الشباب الصالح أساسًا لا يتجاوزوا نفس النسبة ، أنا عاوز أقولك إن نسبة الـ ٥% من البنات الصالحات دول عندهن نفس القلق اللي عندك لحسن تتدبس في شاب من اللي بنشوفهم ليل ونهار... (رجالة ومش رجالة)

والبنات دول مفيش عندهن ضمانات المحاكم والكلام الفاضي ده [ميعرفوش الطريق أساسًا]

-فين دول ياشيخ ؟

=علشان تلاقي نصييك من الطيبات دول لازم تكون على نفس الشاكلة ، ساعتها سترزق
كما رزقنا ، محال أن يهديك الله لهن وأنت تروج لدعوة من دعوات الزنادقة محاربي
الدين

-طيب ياشيخ لما نلاقي النوع ده نأمن نفسنا وللا ندخل كدا وخلاص ؟
=مفيش حد عاقل بيقولك تزوج من غير ما تأمن نفسك ، أنا بنصح الشباب يأمنوا أنفسهم
علشان يقفلوا أي ثغرة ممكن الشيطان يدخل منها لعقول النساء بعد الزواج ، زي ما
بنصح الأخوات يأمنوا أنفسهم برضو ولو لهن مهر يكون واضح مش وهمي علشان برضو
يقفلوا أي ثغرة للشيطان عليك ويحافظوا على بيتهم

-طب ما هو كل التأمين له ثغرات ياشيخ ، يعني مهما عملنا هيلاقوا ثغرات
=وعلشان كدا ربنا سبحانه وتعالى لا يكلف نفساً إلا وسعها ، وتأمين نفسك من تمام
التقوى لإنك بتقفل الثغرات قدام الشيطان اللي هيلعب في حياتك بعد كدا ، ولما هتحقق
التقوى هتلاقي المخرج

قال تعالى: (لَا يُكَلِّفُ اللَّهُ نَفْسًا إِلَّا وُسْعَهَا)

وقال أيضاً: (وَمَنْ يَتَّقِ اللَّهَ يَجْعَلْ لَهُ مَخْرَجًا) (١)

دي سنن لله لا تتغير ولا تبدل ولا تُحايي أحداً

-ياشيخ دا فيه أنبياء ابتلوا بزوجات غير صالحات ، (كانوا كفار ياشيخ)

=الأنبياء دول اتزوجوهم كفار وللا زوجاتهم لم يتقبلوا الرسالة لما نزلت عليهم ؟

-هاه...مش فاهم

=يعني يامصطفى فيه فرق كبير بين إنك تستدل بوضع طارئ وتخليه مسار حياتك وديدن
تفكيرك وبين إنك تفهم المعادلة من البداية ، دا زي لو اتزوجت زوجة مش ملتزمة وإنك
كمان مكنتش ملتزم ، وبعد الزواج إلزمت وهي رفضت الإلتزام ، إيه علاقة إستدلالك
بحسن وسوء الإختيار من البداية ؟

اشتغل مع ربنا صح علشان ربنا يرزقك بالصالحة اللي لو كانت صالحة فعلاً لن يتليها
الله بك لو كنت على غير الصلاح

إبتلاء الزواج دا إبتلاء دنيا وآخرة يامصطفى ، إنت نفسك موصلتش للدرجة اللي توصلك
له 🌟

-يعني ياشيخ تنصحي أتزوج من مصر ؟

=أنا أنصحك تتزوج من أي مسلمة مش فارق معايا ، بس متفعدش كدا من غير زواج لحد
ما تقع في المحذور عيادًا بالله ، ولو على دعوى تأمين نفسك فدي دعوى مطاظة ، لو
صحيت الصبح لقيت القوانين اتلغت هتلاقي الزنادقة بيقولولك بلاش تتزوج علشان فيه
زوجة قتلت زوجها وهو نايم ، وهتلاقي الصحف كلها بتنشر عن قصة اللي زوجها مات
بالطى علشان بتحطله السم في الأكل ، وهتلاقيهم بينشروا حالات الخيانات الزوجية
اللي هتخليك تعتقد إنك كدا كدا هتتدبس في واحدة من المومسات دول
ليه تفترض في ربك إنك تستقيم بمنهجه وهو يقدر لك الشر ؟
فين حسن ظنك بالله ؟

-والله ياشيخ معاك حق ، أنا شكلي هغير تفكيري

=أنا مش عاوزك تغير تفكيرك بس ، أنا عاوزك تبرأ إلى الله من كل فكرة علمانية ماسونية
اتعملت أساسًا لهدم شريعة محمد ﷺ وتكون فاهم مخططات أعدائك جت منين ، وتفهم
طبيعة البيوت ومتستعجلش وتتزوج بالشرع علشان تشوف السعادة في أهلك وذريتك
مفيش سعادة في البعد عن الدين

-شكرًا لك جدًا ياشيخ ، أنا رايع أخطب

=اصبر يامصطفى ، اوعى تاخذ القرار ده غير بعد ما تحس في نفسك إنك وصلت للحد
الأدنى المطلوب من المسلم تحقيقه في العبادة والقرب من الله


-حاضر ياشيخ ، سأفعل 🌟

[#تصحيح مفاهيم الزواج](#)



#لحظة_قبل_دخول_البيوت 🙅

👉 جه ليا مُحبَط جدًا بسبب إنه دخل بيوت
كثير بس مفيش نصيب
مش عارف يتزوج ومن كثرة ما تم الرفض كان
على وشك إنه ميتزوجش خالص
قعدت سمعت منه إزاي بيدخل البيوت
خاصة إنه شاب محترم جدًا ومكانته مرموقة
وبعد ما سمعته دار بيننا الحوار ده 🙅
- اتعقدت والله ياشيخ ، كل ما أدخل بيت
علشان أتزوج شرعي طلبي بيترفض .. 🙄مش
عارف أعمل إيه ؟
=طيب ما هو معنى إنك بتترفض إن لسه



مفيش نصيب

-بس ياشيخ دي بيوت كويسة جدًا ، ليه لما بكلمهم بيرفضوا ؟
=فيه إحتمالين للرفض

١/ ممكن تكون البيوت دي شر لك وربنا بيصرف عنك أذاهم

٢/ ممكن تكون بتدخل البيوت غلط

-بدخل البيوت غلط ؟ ..إزاي ؟

=إنت لما بتدخل بتعمل إيه ؟

-بتصل بوالدها عادي خالص وأخليه يحددلي موعد وبروح الرؤية الشرعية وهناك علشان
أكون واضح معاه بقول له إني هتزوج بالشرع ومش هكتب قايمة
=وطبعًا بيرفض

-للأسف ياشيخ ، دا أنا حتى علشان أكون صريح معاه أحيانًا بعرفه في الموبايل ، بس
واضح إن الصراحة مبقتش تعجب الناس ياشيخ

=الصراحة برضو 🗨️

-يعني إيه مش فاهم

=اللي إنت بتعمله دا مينفعش نسميه صراحة ياطيب ، دا اسمه الوحيد (سوء تصرف)

-سوء تصرف إزاي ياشيخ ؟

=الزواج الشرعي دا موضوع دعوي ، وأي موضوع دعوي محتاج يكون لك رصيد ولو ضئيل عند الناس علشان يقبلوا دعوتك ويستجيبوا لكلامك ، متخيل بقى إنت بتعمل إيه ؟

إنت بتكلم واحد ميعرفش عنك أي حاجة في موضوع بالنسبة له وللمجتمع [شائك]
وعاوزه يقبل الكلام منك

-يعني أعمل إيه ؟ أكلمه في الزواج الشرعي وإني مش هكتب قايمه بعد الدخلة ياشيخ؟



=لأ..بس ممكن تنتظر زيارتين أو ثلاثة وبعد كدا تفتاحه في موضوعك

-طب ولما أروح أول مرة أتكلم في إيه ؟

=أول زيارة دي رؤية شرعية ، هتشوف البنت بس وتعرف عليهم

-طب ولو سألوني هتزوج إزاي أقول إيه ؟

=هتضحك وتقول لهم : (مستعجلين ليه يا جماعة ، مش يمكن الأخت يكون لها رأي تاني؟ ادوها فرصتها)

وتقول لهم إنك هتستخير وهتنصحتها هي كمان بالإستخارة

-طب ولو كلموني فعلاً ووافقوا عليا وطلبوا أهلي يروحوا معايا ؟

=هتروح مع أهلك ومش هتتكلم برضو في حاجة ، أهلك غالباً في الموضوع ده نفس عقليتهم ، غالبية المجتمع للأسف نفس العقلية

-وهنمشي كدا من غير ما نتكلم ؟

=فعلاً...ولو والدها فاتحك في أي شئ حاول تهرب من الكلام ، ممكن يكون الناس

اقتنعوا بأهلك وارتاحوا لهم فمحتاجين كمان مشوار منك

-طب والزيارة الثالثة ، هكلمهم فيها إزاي ؟

=غالبًا والدها هيسألك ، وساعتها هتقول له: (الحقيقة ياعمي أنا اللي شجعني لدخول البيت ده إنكم ناس محترمين وأهل دين)

وتبدأ تكلمه في الزواج الشرعي وإنك هتجهز كل حاجة ، ولو حسيت إنك مش عارف تشرح لهم اتصل عليا أدخل معاك في مكالمة -وهتفق معاه طبعًا إن مفيش قايمه

=لا طبعًا ، أكبر غلط تتكلم فيها ، معنى إنك تكلم حد في الزواج الشرعي وتقول له مفيش قايمه معناه إنك قلقان من شئ ، بالعكس هو اللي هيقولك والقايمه هنعمل فيها إيه وإنك هتقول له: (قايمه إيه ياعمي؟ هو شرع ربنا فيه قايمه؟) وسيبه بقى يفكر مع نفسه وهتشوف النتيجة

-طب وليه اللف والدوران دا ياشيخ؟.. ما كنت قتلته في الموبايل على طول =ياابني دلوقتي بقى لك رصيد كبير في البيت ، الناس ممكن يكونوا ارتاحوا لك ، عرفوك ، شافوا شخصيتك اللي هتناسب مع بنتهم ، بقى فيه أطراف في البيت معاك لو حد معترض ممكن يسندوا موقفك ، من غير ما يتعرفوا على كل ده وإنك تكلمهم في الماديات في بداية علاقتك بيهم يقلقوا ، ولهم حق يقلقوا -خلاص ياشيخ ، ياذن الله هجرب مع أول بيت هعمل زي ما قتلتي =لسه فاضل أهم شئ

-إيه تاني؟

=تقرب من ربنا جدًا ، وتعمل أوراد إستغفار وصلاة على النبي ﷺ علشان ربنا يفتح لك كل الأبواب المغلقة ، واوعى تدخل البيوت غير وإنك في أعلى درجاتك الإيمانية علشان ربنا يوفقك ، وإياك ثم إياك إنك تعتمد عليا في شئ ، كلنا أسباب وبس وحسن ظننا بننتظره من الله وحده

-والموضوع هيتقبل على طول؟

=لو فيه خير ربك هيجعله من نصيبك ، ولو شر ربك هيصرفه عنك (وبالفعل...الشاب دخل بعدها بيتين ، ولما مشي بنفس الأسلوب اتفاجئ إن الموضوع كان بيمشي معاه كويس وهو كان متعجب من رد الفعل المغاير لكل اللي كان بيعمله

زمان ، والناس كانوا يتقبلوا الزواج الشرعي بكل سهولة ، واتفجئ إن ربنا كان يظهر له أشياء خفية جداً كانوا ممكن يداروها عنه ، وفي البيت الثالث اتوفق مع ناس طيبين جداً وهو نفسه مكنش مصدق اللي بيحصل وحصل الزواج) كل دا كان في غضون ٦ شهور

👉ياشباب...استعينوا بالله وواعوا دعوات الزنادقة تأثر فيكم وتركوا الزواج دول ميفهموش شئ عن كل اللي بتكلم فيه ده..دول منافقين أبعد ما يكونوا عن الشرع شرع ربكم جميل...ثقوا فيه واعلموا أن الخير كله في اتباع منهجه سبحانه وتعالى **#ملحوظة**: بنفس الطريقة تم تزويج عد كبير من الشباب بفضل الله والناس كانت بتقبل شرع ربنا)


#تصحيح_مفاهيم_الزواج



#وَقَرْنَ فِي بُيُوتِكُنَّ 🏠👤

مع تغير الزمان وأوضاع الناس ضاعت الكثير من ثوابت وأصول الشرع وسط ركام من الضلالات والبدع ، كان من بينها ضياع أحكام خروج المرأة المسلمة من بيتها ، فصرنا نرى ما نراه في شوارعنا ليل نهار ولا حول ولا قوة إلا بالله ، ولتأصيل هذا الأمر كان لا بد لنا من هذا الحوار 🗨️

-السلام عليكم ورحمة الله وبركاته ، إزيك ياشيخ أحمد ، كنت عاوز اسألك في حاجة كدا عملالي قلق شوية



=وعليكم السلام ورحمة الله وبركاته ، الله يسلمك يامصطفى ، اتفضل يا حبيبي تحت أمرك

-كل ما بقرأ لحضرتك ياشيخ وأشوف تشديدك في خروج النساء من البيوت وأقارن ده بالمجتمع المحيط والفتاوى المنتشرة أتلخبط ، مش عارف فين الصح وفيين الغلط ، وليه المرأة ممنوع تخرج من بيتها ياشيخ ؟..ليه متقدرش تخرج مشوار مهم مثلاً أو تعمل أي مصلحة ؟

=مين قال إن المرأة مينفعش تخرج يامصطفى ؟..أنا قلت كدا ؟

-مش بالضبط يعني ، بس اللي بنفهمه من كلامك يعني لو طبقناه مش هنخرجهم خالص =شوف يامصطفى ، أي حاجة لما تلاقي فيها خلاف لازم ترجع وتشوف الشرع يقول فيها إيه ، الأصل للمرأة هو [القرار] في بيتها كما أمرها الله تعالى وقال: (وَقَرْنَ فِي بُيُوتِكُنَّ وَلَا تَبَرَّجْنَ تَبَرُّجَ الْجَاهِلِيَّةِ الْأُولَى) [سُورَةُ الْأَحْزَابِ: ٣٣]

يعني الله تعالى أمرهن بالقرار في البيوت

-ولكن ياشيخ دا كان لأمهات المؤمنين مش لكل النساء ، أنا كدا فاهم الآية صح ؟

=لأ مش صح يامصطفى ، وعلشان علماء الإسلام كانوا عارفين إن هيجي ناس يفصلوا خطاب أمهات المؤمنين عن خطاب المؤمنات من أتباع الدين [من غير تخصيص] لتضييع الشرع لقينا واحد زي الإمام ابن كثير رحمه الله يقول في الآية: (هَذِهِ آدَابُ أَمْرِ اللَّهِ تَعَالَى بِهَا نِسَاءَ النَّبِيِّ ﷺ ، وَنِسَاءُ الْأُمَّةِ تَبَعُ لَهُنَّ فِي ذَلِكَ)

-طب والتخصيص دا في إيه ياشيخ مثلاً ؟

=في الآية اللي بعدها مثلاً: (وَأَذْكُرَنَّ مَا يُتْلَى فِي بُيُوتِكُنَّ مِنْ آيَاتِ اللَّهِ وَالْحِكْمَةِ إِنَّ اللَّهَ كَانَ لَطِيفًا خَبِيرًا) {سُورَةُ الْأَحْزَابِ: ٣٤}

مش كل مسلمة مأمورة تنقل الشرع اللي في بيتها زي أمهات المؤمنين اللي كن مأمورات بنقل الكتاب والسنة للأمة بعد موت النبي ﷺ علشان معاهم النبي

وعلشان كدا نلاقي واحد زي الإمام القرطبي (رحمه الله) في الجامع لأحكام القرآن يقول في آية [القرار]: (معنى هذه الآية الأمر بلزوم البيت، والخطاب وإن كان لنساء النبي ﷺ فقد دخل غيرهن فيه بالمعنى ، هذا لو لم يرد دليل يخص جميع النساء، كيف والشرعة طافحة بلزوم النساء بيوتهن، والانكفاف عن الخروج منها إلا لحاجة)

-دا بيقول الشريعة طافحة بلزوم النساء بيوتهن ياشيخ 😊

=طبعاً يامصطفى ، شوف الواقعة دي 📌

كان النبي ﷺ في بيت أم المؤمنين عائشة (رضي الله عنها) ، وفي هذه الليلة خرجت سَوْدَةُ بَعْدَمَا ضُرِبَ الْحِجَابُ لِحَاجَتِهَا [يعني أم المؤمنين سَوْدَةُ خرجت لقضاء الحاجة في الصحراء لأن العرب زمان مكنش في بيوتهم حمامات ، لما حد ييقضي حاجته كان بيطلع الصحراء ، والنساء بالذات كنن يخرجن ليلاً كي لا يراهم الرجال ، والكلام دا كان بعد فرض الحجاب بالكامل]

وَكَانَتْ سَوْدَةُ امْرَأَةً جَسِيمَةً لَا تَخْفَى عَلَى مَنْ يَعْرِفُهَا ، فَرَأَاهَا عُمَرُ بْنُ الْخَطَّابِ فَقَالَ: يَا سَوْدَةُ، أَمَا وَاللَّهِ مَا تَخْفَيْنَ عَلَيْنَا، فَأَنْظُرِي كَيْفَ تَخْرُجِينَ [يعني عُمَرُ شافها وعرفها وهي منتقبة ومش باين منها حاجة بسبب إنها سمينة]

فَانْكَفَأَتْ رَاجِعَةً [يعني رجعت من غير قضاء الحاجة وراحت تشتكي للنبي ﷺ من اللي حصل من عُمَرُ رضي الله عنه]

تقول عائشة اللي شافت الواقعة علشان سودة راحت بيتها: (ورَسُولُ اللَّهِ ﷺ في بَيْتِي،
وَإِنَّهُ لَيَتَعَشَّى فِي يَدِهِ عَرَقٌ [قطعة عظم عليها بعض اللحم] ، فَدَخَلْتُ فَقَالَتْ: يَا رَسُولَ
اللَّهِ، إِنِّي خَرَجْتُ لِبَعْضِ حَاجَتِي، فَقَالَ لِي عُمَرُ كَذَا وَكَذَا، قَالَتْ: فَأَوْحَى اللَّهُ إِلَيْهِ ثُمَّ رَفَعَ
عَنْهُ، وَإِنَّ الْعَرَقَ فِي يَدِهِ مَا وَضَعَهُ، فَقَالَ: إِنَّهُ قَدْ أُذِنَ لَكُنَّ أَنْ تَخْرُجْنَ لِحَاجَتِكُنَّ)
[يعني الوحي نزل على النبي ﷺ يان ربنا أذن للنساء الخروج لقضاء الحاجة]

-ياشيخ ، هو الموضوع للدرجادي كان محتاج وحي؟ 😊

=يامصطفى ، الشريعة شددت جدًا في خروج النساء مش زي ما بنشوف كدا
سودة نفسها مقدرتش ترد على عمر اللي بينكر عليها الخروج والناس يعرفوها ، والنبي
ﷺ نفسه منتظر الوحي في قضية زي دي

-ولكن ياشيخ النساء مباح لهن الخروج في نصوص تانية كتير ، أنا سمعت إن النبي ﷺ
قال: (لا تمنعوا إماء الله مساجد الله ، وبيوتهن خير لهن)

يعني الخروج مباح أهوه

=دا كمان فيه خروج مُسْتَحَب يامصطفى ، زي صلاة العيد ، شايف أُمَّ عَطِيَّةَ رَضِيَ اللَّهُ
عَنْهَا بتقول إيه : (أَمَرَنَا رَسُولُ اللَّهِ ﷺ أَنْ نُخْرِجَهُنَّ فِي الْفِطْرِ وَالْأَضْحَى الْعَوَاتِقَ) [وَهِيَ
مَنْ بَلَغَتْ الْحُلُمَ أَوْ قَارَبَتْ ، أَوْ اسْتَحَقَّتِ التَّزْوِيجَ] وَالْحَيْضَ [اللي عندها الحيض]
وَذَوَاتِ الْخُدُورِ [الأبكار] ، فَأَمَّا الْحَيْضُ فَيَعْتَزِلْنَ الصَّلَاةَ وَيَشْهَدْنَ الْخَيْرَ وَدَعْوَةَ
الْمُسْلِمِينَ . قُلْتُ : يَا رَسُولَ اللَّهِ ، إِحْدَانَا لَا يَكُونُ لَهَا جِلْبَابٌ . قَالَ : لَتُلْبِسْهَا أُخْتُهَا
مِنْ جِلْبَابِهَا)

شايف التواصي بالخروج رايح فين ؟ (لَتُلْبِسْهَا أُخْتُهَا مِنْ جِلْبَابِهَا)

-طيب ياشيخ ما هو الخروج عادي أهوه برضو 😊

=الخروج لو عادي يامصطفى مكنش جه فيه نصوص تحددلك أمور معينة وتشرحه
بالتفصيلات دي

-مش فاهم 😊

=يعني الخروج لو عادي ليه النبي ﷺ هينهي الرجال عن منع النساء من (الخروج للمسجد) وهيحث النساء على الخروج لصلاة العيد طالما كدا كدا بيخرجوا ؟..فكرت في دي؟

-اممم . فعلاً ، هو لو عادي مكنش قعد يشرح ويوضح أماكن وأزمنة وحالات معينة للخروج

=دا حتى لما تخرج مأمورة تمشي على حواف الطريق متمشيش في وسط الطريق ، إنت سمعت النبي ﷺ لما وجد الرجال اختلطوا بالنساء في الخروج من المسجد قال للنساء إيه ؟

-قال إيه ؟

=قال ﷺ للنساء: (استأخرن فإنه ليس لكن أن تحققن الطريق [يعني مينفعش تمشوا في وسط الطريق] عليكن بحافات الطريق فكانت المرأة تلصق بالجدار حتى إن ثوبها ليعلق بالجدار)

يعني ملابسها تتعلق بالجدار

-يعني حتى وهما في الصلاة المسموح بيها كان فيه ضوابط ؟

=دا مش كدا وبس ، دا الشريعة اللي رغبنا في خروجهن للصلاة هي نفسها اللي حدت من الخروج ده وبينت إن الخير في خلافه

-إزاي الخير في خلافه يعني؟ 😊

=أم حميد امرأة أبي حميد الساعدي جاءت للنبي ﷺ : فقالت: يا رسول الله إني أحب الصلاة معك قال: (قد علمت أنك تحبين الصلاة معي وصلاتك في بيتك [حجرة المعيشة] خير من صلاتك في حجرتك [الصلاة] وصلاتك في حجرتك خير من صلاتك في دارك [فناء البيت مما يدخل في حدود مساحته في الخارج] وصلاتك في دارك خير من صلاتك في مسجد قومك وصلاتك في مسجد قومك خير من صلاتك في مسجدك) قال: فأمرت فبني لها مسجد في أقصى شيء من بيتها وأظلمه وكانت تُصلي فيه حتى لقيت الله جلّ وعلا

واخذ بالك يادرس..يعني صلاتها في غرفة معيشتها أفضل ٤ مرات من صلاتها خلف
النبي ﷺ في مسجده
-ياااه ، للدرجادي ؟

=دا أم المؤمنين عائشة رضي الله عنها تقول بعد موت النبي ﷺ بسنوات قليلة: (لَوْ أَنَّ
رَسُولَ اللَّهِ ﷺ وَسَلَّمَ رَأَى مَا أُحْدِثَ النِّسَاءُ لَمَنَعَهُنَّ الْمَسْجِدَ)...فإن إحنا دلوقتي من فقه
عائشة رضي الله عنها اللي هي أعلم منّا بالشريعة علشان نخالف لأي سبب..وفين نساءنا
من نساء هذا الجيل؟

واخذ بالك من فهم الخروج للصلاة المأذون فيه كمان عندهم كان واصل فين؟
-بس يعني إيه اللي يضر امرأة تخرج ياشيخ بكامل حجابها الشرعي؟..إيه المشكلة يعني
؟

=يقول النبي ﷺ: (المرأة عورة فإذا خرجت استشرفها الشيطان وأقرب ما تكون من وجه
ربّها وهي في قعر بيتها)...شايف النبي ﷺ يقول إيه؟

الشيطان بيعمل كدا مع المرأة حال خروجها لكونها عورة و"استشرفها الشيطان"، أي:
تطلع إليها الشيطان، فزينها للناس، ورفع البصر إليها، ووكل النظر عليها؛ ليغويها أو يغوي
بها غيرها، فيوقع أحدهما، أو كليهما في الفتنة...وهو ده أكبر مفتاح شر تم فتحه على
الامة يامصطفى ، الناس اللي معتقدين إن الحجاب الشرعي مبيح للخروج مش فاهمين
إن فيه مشكلة في الخروج نفسه

-يعني خروج المرأة من بيتها أصلاً حرام ؟
=لأ مش حرام يامصطفى ، النبي ﷺ قال: (إِنَّهُ قَدْ أُذِنَ لَكُنَّ أَنْ تَخْرُجْنَ لِحَاجَتِكُنَّ)

-يعني لازم الخروج يكون لحاجة أو لضرورة ؟
=الخروج في الأصل مباح بضوابط شرعية حتى في العبادات المشروعة ، ممكن المرأة
تخرج لقضاء حاجياتها أو تخرج للتنزه أو للصلوات ، ولكن ينبغي عليها ترك الخروج
إذا وُجدَ ما يُفسده

-ما يُفسده زي إيه ياشيخنا ؟

=زي المشهد اللي بنشوفه في صلاة العيد يادرش مثلاً ، والمشاهد اللي بنشوفها في
المواصلات ، والمشاهد اللي بتعرض ليها الأخوات في الشوارع
-بس صلاة العيد دي الخروج فيها مستحب زي ما كنت بتقوللي ؟

=صحيح ، ولكن لو المستحب هيجر علينا حرام يبقى مفيش مستحب يامصطفى
قال ابن مسعود رضي الله عنه: (ما تعبدت الله امرأة بمثل تقوى الله وجلوسها في بيتها)
يعني غاية عبادة المسلمة بعد تقوى الله هي جلوسها وقرارها في بيتها
-يعني مش ممكن لما أتزوج أخرج بزوجتي ياشيخ ؟

=اخرج بيها وفسحها واعمل اللي إنت عاوزه ، ولو زوجتك محتاجه تروح تغير جو عند
أهلها مفيش مشكلة تأذن لها بكده ، لكن لو لقيت في خروجها خطر عليها أو إيذاء
وفتنة ليها اخرج معاها متسيبهاش لوحدها

-طب واللي كل يوم في الشارع على أي حاجة دي ياشيخ حكمها إيه ؟
=دي خالفت كل الأصول اللي فاتت يامصطفى ، وملهاش حجة عند ربها لو سألها عن
ترك البيت باستمرار لغير حاجة في ظل مجتمع ملئ بكل ما تراه ، اللي بتشوفه من خروج
امرأة لسنوات علشان تدرس علوم مش هتنفعها لأجل تحصيل شهادة واختلاطها ليس من
الشرع في شئ يامصطفى ، والواجب على كل ولي أمر يتق الله فيمن هو تحت ولايته ،
قال تعالى: (يَا أَيُّهَا الَّذِينَ آمَنُوا قُوا أَنْفُسَكُمْ وَأَهْلِيكُمْ نَارًا وَقُودُهَا النَّاسُ وَالْحِجَارَةُ)
وقال النبي ﷺ: (كُلُّكُمْ رَاعٍ وَمَسْئُولٌ عَنْ رَعِيَّتِهِ ، فَالْإِمَامُ رَاعٍ وَهُوَ مَسْئُولٌ عَنْ رَعِيَّتِهِ ،
وَالرَّجُلُ فِي أَهْلِهِ رَاعٍ وَهُوَ مَسْئُولٌ عَنْ رَعِيَّتِهِ)

-والله عندك حق يامولانا فعلاً الموضوع زاد عن الحد جدًا ، دا إحنا اللي بقينا نمشي
على حافات الطريق منهم 🌪

شكرًا جدًا ياشيخ

[#اللهم_احفظ_نسائنا 🌸](#)



#أحكام_قائمة_المنقولات 🗨️📄👤

👉 أثارت قضية قائمة المنقولات المعمول بها في مصر جدلاً واسعاً بين مؤيِّد ومُعارض ، ولأجل بَسْط هذه المسألة كان لا بد لنا من حوار يُجلي أصل المسألة ومآلاتها بما هو موجود على أرض الواقع

👉 وإليكم الحوار

-السلام عليكم ورحمة الله وبركاته ، إزيك ياشيخنا ، أنا اتلخبطت جامد في الموضوع اللي إنت بتكلمنا فيه بتاع قائمة المنقولات دا ، مش فاهم الدنيا رايحة فين وجايه منين



خالص

=وعليكم السلام ورحمة الله وبركاته ، الله يسلمك يامصطفى ، إيه اللي عاملك لخبطة يادرش وأنا أوضحهولك

-ياشيخنا ، مش إنت كنت بتكلمنا إن ربنا جعل للنساء مهر عند الزواج ؟.. وإنت اللي كنت بتشرح لنا قوله تعالى: (وَأَتُوا النِّسَاءَ صَدُقَاتِهِنَّ نِحْلَةً)

وقلت لنا إن المهر مش لازم يكون في شكل مُعِين ، يعني ممكن يكون فلوس أو ذهب أو فضة أو عقار أو أي شئ ، دا حتى سيدنا (ثابت بن قيس) [رضي الله عنه] أعطى زوجته عند الزواج حديقة ، وممكن كمان المهر يكون مُقدم أو مؤخر أو جزء منه كدا وجزء كدا ؟

=تمام ، قلت كدا فعلاً ، فين المشكلة ؟

-ياشيخ ماهو المشايخ التانيين قالوا طالما ينفع يكون بالصور دي كلها فإيه المشكلة
يكون عبارة عن عزل [عَفَش] ويتكتب بالعزال دا ورقة لضمان الحقوق ، ومش هنختلف
بقي نسميها قايمة نسميها نايمة المهم إنها لضمان الحقوق مش أكثر

=يعني القايمة دي علشان ضمان الحقوق يامصطفى ؟

-طبعا ياشيخ ، فين المشكلة في كدا ؟

=المشكلة إنك تركز كويس جدا على ضمان الحقوق دا لنهاية الحوار ومتراجعش 😊

-أراجع عن إيه ياشيخنا ؟..مش فاهم 😊

=شوف يامصطفى ، التوصيف القانوني للقائمة عبارة عن عقد من عقود الأمانة ، ملهاش
علاقة بالزواج ولا بالطلاق خالص

-عقد أمانة دا يعني إيصال أمانة ؟

=أيوا كدا بالضبط ، إيصال أمانة ملوش أي علاقة بزواجك أو بطلاقك ولا بيكون مُعترف
بيه في التنازع في أحوالك الشخصية

-طب وفين المشكلة ياشيخنا ؟..ما هو الحاجات دي هتكون في ملكية الزوج بالفعل
وهو مسئول عنها طالما اعتبرناها مَهر

=تمام ، لو بتعتبرها مَهر فعلا فهل هناك حالات لرد المهر الزوجة بتكون ملزمة بيها ؟

-امممم ..أكيد زي حالة الخلع مثلا

=تمام ، وفي الوقت ده علشان القائمة عقد أمانة ملوش علاقة بزواجك ولا بطلاقك
فمش هيكون له علاقتك بخُلْعك وهيتقال لك ساعتها ملكش تطالب بمَهرَك اللي في
القايمة ، دي مش وثيقة متعلقة بالأحوال الشخصية أصلا ، المُعترف بيه في الحالة دي
فقط هو مؤخر الصداق المكتوب في قسيمة زواجك

-يعني إيه ياشيخ ؟..يعني اتخلع وتاخذ القايمة ؟

=وبالقانون ، بالقانون يامصطفى حتى لو هي اللي رفعت دعوى خلع بدون أي سبب ،
وعلشان كدا متستغريش إن ٨٧% من حالات الطلاق في مصر بقت خُلع ، والسبب
إن القايمة خارج الموضوع ، تختلع وتاخذ كل حاجة بغير وجه حق

-إزاي ياشيخ ؟..طب لو الزوج مثلاً اكتشف على زوجته أمر من أمور النشوز يعمل إيه في ظل القايمه دي مثلاً ؟

=يامصطفى ، الزوج لو اكتشف إن زوجته بتزني والمهر في الحالة دي شرعاً بيتم إسقاطه هيقولولك (القايمه ملهاش علاقة بحياتكوا الشخصية مع بعض) هتزني ولو مش عاجبك هتخلعك وتاخذ القايمه اللي إنت وغيرك بتفتكروها مهر أو جزء من المهر
-ياخبر إسود ... 🏠 دا على كدا بقى الراجل لو هيتكلم بكلمة في بيته هيتشلوح

=يامصطفى ، القايمه معموله أساساً علشان الراجل ميقاش له كلمة في بيته ، بقولك الزوجة لو زانية الزوج يُلزَم يديها القايمه بالرغم من حكم ربنا في القرآن: { يَا أَيُّهَا الَّذِينَ آمَنُوا لَا يَحِلُّ لَكُمْ أَنْ تَرِثُوا النِّسَاءَ كَرِهًا وَلَا تَعْضُلُوهُنَّ لِتَذْهَبُوا بِبَعْضِ مَا آتَيْنَهُنَّ إِلَّا أَنْ يَأْتِيَنَّ بِفَاحِشَةٍ مُبَيَّنَةٍ وَعَاشِرُوهُنَّ بِالْمَعْرُوفِ فَإِنْ كَرِهْتُمُوهُنَّ فَعَسَى أَنْ تَكْرَهُوا شَيْئًا وَيَجْعَلَ اللَّهُ فِيهِ خَيْرًا كَثِيرًا (١٩) } [سُورَةُ النِّسَاءِ: ١٩]

واخذ بالك من (وَلَا تَعْضُلُوهُنَّ لِتَذْهَبُوا بِبَعْضِ مَا آتَيْنَهُنَّ إِلَّا أَنْ يَأْتِيَنَّ بِفَاحِشَةٍ مُبَيَّنَةٍ) حتى في وجود الفاحشة مبقاش لك إنك تُعضلها علشان تترك لك المهر [عفشك وذهبك] اللي بقى مش من حقها

-طيب ياشيخ ما هو المشايخ لما بيفتوا بجواز القايمه بيفتوا بده على أساس الحكم الشرعي ، اللي حضرتك بتتكلم فيه دي أحكام قضاء وضعي هما ملهمش فيه ؟ بل أنا سمعت كذا واحد فيهم يقول بحكم الشرع ويحكم برد المهر في مثل الحالات دي
=علشان أوضحلك الشبهة دي هتكلم معاك في ٣ نقاط يامصطفى
-اتفضل ياشيخ

=النقطة الأولى يادرش هسألك: (إيه هي مقومات الشيخ اللي له يُفتي الناس ؟..وليه بيفتيهم ؟)

-مقوماته إنه يكون عالم بالشرع ويطبق علمه على واقع الناس ، وبيفتيهم علشان يدلهم على خيرِ الدنيا والآخرة في اتباع الشرع
=تمام...كلامك دا ينطبق على واحد بيفتيك بفتوى وبعد ما تعمل بالفتوى بتاعته تتفاجئ إنك خسرت حق شرعي لك ؟

- لا طبعًا مينفعش

=الشيخ اللي بيفتيك بالقايمة يامصطفى بيفتي في ورقة قانونية مش ورقة شرعية ، ورقة محل النزاع فيها هيكون المحاكم مش المساجد ، يعني ملوش حجة بعد ما يفتيك وتتفاجئ إن الناس راحوا للمحكمة علشان القايمة ورقة قانونية يقولك أنا أفيتك بالشرع ومليش دعوة الناس هيعملوا معاك إيه ، طب ما هو إنت ياشيخ قبل ما تتكلم بالشرع لازم تكون فاهم الواقع بيقول إيه ؟..الشيخ مش جهة تنفيذية يامصطفى علشان يفتيك بشئ يضع حقوقك ولما ترجعله بحقك ضايع يقولك اصبر واحتسب فقد ابتليت في مالك

-صحيح فعلاً ، وكمان مينفعش الفتوى تكون بتصُب في صالح طرف بأي وجه والطرف الثاني متكونش الفتوى بتحفظله حقه ، طب والنقطة الثانية ياشيخ ؟

=النقطة الثانية هو إن المفتي المفترض يدل الناس على الصدق مش الكذب
-أكيد طبعًا ، بس إيه علاقة دا بموضوعنا ؟

=ما هو القائمة دي يامصطفى ما هي إلا عبارة عن ورقة كلها كذب × كذب
مثلاً: إنت بتشتري العفش بتاعك ، والزوجة بتشتري العزال بتاعها ، وحضرتك بتدفع مهر [اللي هو بيسموه شبكة] وبعدين كل ده بيتكتب في القايمة تحت مسمى المهر ويتكتب فيها إنها من خُر مال الزوجة وإن الزوج استلمها على سبيل عارية الإستعمال وسوف يقوم بردها وقتما تطلبها الزوجة

-يعني الحاجات دي مكتوب إنها على سبيل الأمانة عنده وإنها من خُر مال الزوجة ؟..طب ما هي فعلاً ياشيخ تعتبر من مال الزوجة بعد ما الزوج سلمها لها كمهر وهو عارف يامصطفى ، عارية الإستعمال مبنية على الإنفراد ، يعني لما أستعير منك شئ لا بد أكون أنا اللي بستعمله لوحدي ، ينفع آخذ منك عربيتك لمدة شهر وتكون بتركبها معايا وبعد الشهر تطالبني باللي تلف في عربيتك واللي كنت إنت السبب فيه ؟

- لا طبعًا

=تمام ، يبقى العارية دي لازم تكون إنت بس اللي هستعملها علشان تضمنها ، هل المحكمة بتعترف بالنقطة دي ؟

- لا طبعًا ، دا أنا ابن خالتي لما زوجته خلعتة واستلمت قايמתها قعد يشتري في أطقم كاملة من النيش بالرغم إن بنت المجنونة هي اللي كانت كل ما تزهدق تقعد تكسر فيه 🍷
= لا وكم ان لو قالت العفش دا مش بتاعي بيتم الحكم عليه ويجيب غيره ، ودي قضية اسمها (تبديد عفش)

- طب والذهب الزوج هيعمل فيه إيه ؟
= بالرغم إن الذهب مع الزوجة إلا إنه بيتكتب كمان على الزوج ، ولو الزوجة تركت البيت وأخذت الذهب ورفعت القايمه فالزوج مُلزم يرد الذهب تاني
- يرد الذهب تاني ؟

= طبعًا ، ومفيش شئ ينقذه من ده غير أمانة الزوجة اللي المشايخ عولوا عليها من البداية وخونوا الزوج

- أمانة الزوجة .. 😞 أنا فهمت ليه ابن خالتي جاب الذهب تاني 🧑
= والنقطة الثالثة بقى إن الزوج بيتم حبسه في المهر ، ودا شئ غير جائز مطلقًا ، بل إن شيخ الإسلام ابن تيمية رحمه الله قيّد على الزوجات أخذ المؤخر إلا عند الطلاق أو الوفاة لما شاف الأزواج بيتحبسوا فيه ، شوف ابن القيم رحمه الله يقول إيه في كتاب الطرق الحكيمة نقلًا عن شيخه ابن تيمية :

(وَمِنْ حِينَ سُلِّطَ النِّسَاءُ عَلَى الْمُطَالِبَةِ بِالصَّدَقَاتِ الْمُؤَخَّرَةِ، وَحَبَسِ الْأَزْوَاجَ عَلَيْهَا، حَدَثَ مِنَ الشُّرُورِ وَالْفَسَادِ مَا اللَّهُ بِهِ عَلِيمٌ. وَصَارَتِ الْمَرْأَةُ [إِذَا أَحَسَّتْ مِنْ زَوْجِهَا بِصَيَانَتِهَا فِي الْبَيْتِ، وَمَنْعِهَا مِنَ الْبُرُوزِ، وَالْخُرُوجِ مِنْ مَنْزِلِهِ وَالذَّهَابِ حَيْثُ شَاءَتْ]: تَدْعِي بِصَدَاقِهَا، وَتَحْبِسُ الزَّوْجَ عَلَيْهِ، وَتَنْطَلِقُ حَيْثُ شَاءَتْ، فَيَبِيتُ الزَّوْجُ وَيَظْلُ يَتَلَوَّى فِي الْحَبْسِ، وَتَبِيتُ الْمَرْأَةُ فِيمَا تَبِيتُ فِيهِ فَإِنْ قِيلَ فَالْشَّرْطُ إِنَّمَا يَكْتَبُهُ حَالًا فِي ذِمَّتِهِ تَطَالِبُهُ بِهِ مَتَى شَاءَتْ)

يعني بقى يلزمهم يحددوا وقت للمطالبة بالمؤخر مشروط مثلاً بالطلاق أو الموت
(علشان تكون له قوامة على زوجته مش كل ما يأمرها بأمر تغضب وتطالبه بالمؤخر وتسجنه)

- تمام ، أنا كدا فهمت ، بس هو المشايخ عارفين كل دا ياشيخ وساكيتين ؟

=المشايع يامصطفى اللي بيفتوا بالقايمة منهم مشايخ مغييين تمامًا عن الواقع ، يكون
حبيس مكتبته ميعرفش الدنيا فيها إيه وبالتالي بيفتي فتاوى تدبس طرف على حساب
طرف ثاني ، ولما تيجي تكلمهم في كل الأبعاد دي تلاقيهم مغييين تمامًا عنها
ومنهم مشايخ اتأثروا بالخطاب النسوي وهما نفسهم مضغوط عليهم بقوايم وبيزوجوا
بناتهم زي ما الناس ماشيين فبقوا بيرروا الباطل ده علشان مش عارفين ولا قادرين يواجهوا
كل البلاوي دي ، هتلاقيهم مثلاً في الفتوى يقولولك: (وهذا مما عَمَّت به البلوى)
فبدلاً من القضاء على البلوى بحملات الوعي للرجوع لأصل الشرع بقوا يسايروا البلوى
علشان ضُعاء 🙏

-طب ياشيخ كنت سمعتك بتتكلم إن القايمة دي كمان عبارة عن ثغرة ممكن تهدم البيت
في أي وقت

=القايمة يامصطفى عبارة عن إيصال أمانة الزوج بيكتبه على نفسه بمقتضاه مش ممكن
يكون له قوامة على زوجته ، متخيل زوج عليه إيصال أمانة وعليه كمية الزور ده يقدر
يمارس القوامة ويقول لزوجته لأ على أي شئ هو يرى المصلحة في خلافه ؟
-معتقدش طبعاً

=ولذلك المشايخ اللي مش عارفين طبيعة النساء وفطرتهن اللي بسببها ربنا سبحانه
جعلهن تحت ولاية رجل في كل مراحل الحياة مينفعش يدوها سلاح مضاد للقوامة والولاية
دي ، إنت نفسك بتشوف البنت اللي بتغضب وتروح بيت أبوها الأب ميعرفش يقوللها
كدا غلط ليه ؟..ما هو كمان مش عارف يمارس القوامة من اللي زوجته عاملاه فيه ، وهل
ينفع أو يصح إن زوج يعيش بإيصال أمانة ماضي فيه على عزال شقة كامل والمفتاح في
إيد الطرف اللي ممكن يحبسه لو مثلاً سرقت الشقة أو كسرت العفش هي وأهلها مع أي
مشكلة وطالته بيه جديد ؟...هو ليه المشايخ بيقتضوا خراب الذمم في الشباب فقط
ومفيش ولا بند واحد يأمن الشباب لو العكس حصل ؟...هو الزوجة دي معصومة هي
وأهلها من الزلل ؟...وبسبب كدا بقينا نلاقي الجهاز المركزي للتعبئة العامة والإحصاء
يقول إن كل دقيقتين فيه حالة طلاق بتحصل ، شايف الشيطان لعب على ثغرة نقل
الولاية إزاي ؟

-طب ياشيخ إيه اللي واجب علينا نعمله ؟

=الواجب الناس يرجعوا لأصل الشرع يامصطفى ، الشاب يجهز شقته بإمكانياته من غير فشخرة وحاجات ملهاش لزمة ويقدم للبنت مهر يكون في حدود إستطاعته ، والبنت وأهلها مش مطلوب منهم شئ نهائي غير التيسير على الشاب لو كان صاحب دين ، ونحفظ حق البنت في المهر كمان تحسباً لأي زيغ ممكن يطرأ على الشاب ، ولو فيه جزء من المهر مؤخر يتم كتابته في القسيمة بوضوح شديد لا تنازل فيه ، الإيمان يزيد وينقص يامصطفى مينفعش نعول على النوايا أو الثقة في الأشخاص في كتاباتنا للعقود

-طب ولو أهل البنت عاوزين يساعدوا ياشيخ ؟

=مساعدة أهل البنت عمرها ما تكون شئ إلزامي عليهم ، دا شئ هما مش مُجبرين عليه ، لو عاوزين يقدموا لبنتهم هدية مفيش مانع ، لكن إنهم يقدموا هدية وبعد كدا يكتبوا الشاب إيصال بالهدية علشان مش مآمينه والهدية تفضل تحت إيد بنتهم كمان ؟..شئ عجيب جداً وكمية تناقضات وأكل أموال الناس بالباطل ملهاش حد

هاه... لسه فاكّر مسألة ضمان الحقوق اللي كلمتني عنه في بداية الحوار ؟

-ضمان حقوق إيه بس ياشيخ ، واضح إن المشايخ اللي بيفتوا بالقايمة دول بيفتوا بشئ مش عارفين عنه حاجة أصلاً 😊

طب ياشيخ هل فيه حاجة تاني ممكن تكون ثغرة لحياة الزوجين لو مفيش قايمة ؟
=أيوا ، إنهم ميكونوش موضحين إن مفيش قايمة ، لأن القانون في بعض دوائر القضاء ممكن يحكم للست بقايمة حتى وهي مش معاها قايمة وواخده كل حاجتها وتأخذ حاجة الزوج بغير وجه حق بـ(قائمة المثل)

-طب ودا الحل فيه إيه ياشيخ ؟

=الحل إن المأذون يكتب في القسيمة (مُقدم المهر + المؤخر إن وُجد) ويكتب بكل وضوح في خانة الإشتراطات الخاصة إن كل محتويات الشقة ملك خالص للزوج لا يجوز للزوجة المطالبة به وأنها تسلمت مهرها بالكامل ، ولو المأذون رفض ممكن يتعمل ورقة خارجية بالكلام ده والزوجة ووالدها يمضوا عليها وممكن تتسجل في أي شهر عقاري

الفتوى بغير كده تعتبر فتوى لطرف دون طرف والشيطان أساسًا لا يجد مجال عمله إلا في الثغرات لكي يوقع الناس في المظالم

-بس ياشيخ الواحد يعني هيتزوج من بيت ناس محترمين أكيد محدش هيقبل الحرام
=الناس المحترمين دول هما اللي مش هيفرق معاهم يأمنوا غيرهم (مش هيكونوا شايفين
نفسهم يعني)

وكمان موضوع قبول الحرام دا كانت حجة كل الشباب اللي في المحاكم دلوقتي واللي
منهم ناس محبوسين بالفعل ، هو الشباب دول كانوا دخلوا بيوت شايفينهم نصابين من
البداية؟.. الكل كان بيقول كذا والشيطان كان له رد فعل تاني)

-على رأيك والله ياشيخ ، ١٢ مليون قضية أسرة في المحاكم أكيد يعني العدد دا مش
جاي من فراغ

=الفراغ هو اللي إحنا سمحنا للشيطان بالدخول من خلاله يامصطفى لبيوتنا ، ولو رجعنا
للشرع الكل هيستريح

-الله ينور عليك ياشيخنا ، بإذن الله مش هتزوج بغير الشرع ، شكرًا جدًا يامولانا
=الله يبارك فيك يادرس ❤️

#يارب_نفهم

#قائمة_المنقولات_حرام_شرعًا ❌



تمت بحمد الله

مع تحيات موسوعة اعرف دينك للعلوم الشرعية